

ଗାଲାତୀୟମାନଙ୍କ ନିକଟକୁ ପାଉଲଙ୍କ ପତ୍ର ଗାଲାତିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

ଗାଲାତିୟ ଚିଟାଉ ପ୍ରେରିତ୍ ପାଉଲୁସ୍‌ଆଃ ହରାତେ ଅଲ୍ଲାକାନା ୧:୧ । ନେ ଚିଟାଉ ଯୀଶୁ ଖ୍ରୀଷ୍ଟୁଆଃ ଜାନାମ୍ ତାୟମ୍ ୪୮-୫୭ କରେ ଗାଲାତିୟରେନ୍ ବିଶ୍ୱାସୀକତାଃତେ ଅଲ୍ଲାକାନ୍ ତାଇକେନା । ହବାସାକଅଆଃ ଗାଲାତିୟରେନ୍ ହଡ଼କ ରୋମି ପାର୍ଗାନ୍‌ରେୟାଃ ଗାଲାତିୟରେ ତାଇନଃତାନ୍ ତାଇକେନାକ । ପାଉଲୁସ୍ ନେ ଚିଟାଉକେ ଅଲ୍ଲକେଦ୍ ଇମ୍ତା କତାଃରେ ତାଇକେନା, ଏନା ବାଇବାଲ୍ ପାଣ୍ଡିତ୍ କାକ ସାରି ଦାଡ଼ିକାନା । ମେନ୍ଦ୍ ଚିମିନ୍ ପାଣ୍ଡିତ୍‌କ ଏଫିସିୟ ଚାଏ କରିଲ୍ଲିରେ ଅଲ୍ଲାକାନା ମେନ୍ତେ କାଜିୟାଃକ ।

ପ୍ରେରିତ୍ ପାଉଲୁସ୍ ଗାଲାତିୟ କାଲିସିୟାରେ ତାଇନତାନ୍ ଯିହୁଦୀ ଆଡ଼ଃ ସାଅଁସାର୍ ହାଗା ମିଶିକତାଃତେ ନେ ଚିଟାଉ ଅଲ୍ଲାକାଦାଏ । ବିଶେଷକେଦ୍‌ତେ ଇନିଃ ହସଡ଼ ଇନିତୁ ଏମ୍ତାନ୍‌କକେ କାଜିକଟଙ୍ଗ୍ ନାଗେନ୍ତେ ଅଲ୍ଲାକାଦ୍ ତାଇକେନାଏ । ଏନା ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକକେ ମାରି ନିୟାମ୍‌ରେୟାଃ ଯିହୁଦୀକଆଃ ଆନ୍‌ତୁକେ ମାନାତିଙ୍ଗ୍ ନାଗେନ୍ତେ କାଜିୟାକାନା, ଅକଆଃଚି ଖାଡ଼ନାଅରେୟାଃ ବିଷାଏ ତାଇକେନା । ଖ୍ରୀଷ୍ଟ୍ ବିଶ୍ୱାସୀ ହାଗା ମିଶିକଆଃ ଝୁଣ୍ଡକଏତେ ଚିମିନ୍ ଝୁଣ୍ଡକ ତାଇକେନା, ଇନ୍‌କୁକେ ଯୁଦାଇଜମ୍, ଯିହୁଦୀ ଧାରାମ୍‌ରେନ୍ ହଡ଼କ ମେନ୍ତେ କାଜିୟାଃ ତାଇକେନା । ଇନ୍‌କୁ ସାଅଁସାର୍ ବିଶ୍ୱାସୀକକେ ଖାଡ଼ନାଅରେୟାଃ ରିତିରିଖାନ୍ ମାନାତିଙ୍ଗ୍ ନାଗେନ୍ତେକ ଆତୁକ ତାଇକେନା । ଇନ୍‌କୁ ପାଉଲୁସ୍‌କେ ପ୍ରେରିତ୍ ହବାକାନ୍ ଆକ୍‌ତେୟାର୍ ବିଷାଏରେ କୁଲି ତାଇକେନାକ ।

ପାଉଲୁସ୍ ଚିମିନ୍ କାଅନି କାଜିକେଦ୍‌ତେ ଆୟାଃ ପ୍ରେରିତ୍ ହବାକାନ୍‌ରେୟାଃ ବିଷାଏରେ ଇନ୍‌କୁକେ କାଜିକଟଙ୍ଗ୍ କାଦକଆ

୧:୧-୨:୧୪ । ଆତ୍ମ ସ୍ୱାଧୀନ ଶ୍ରୀଷ୍ଟରେ ବିଶ୍ୱାସକେତ୍ ହରାତେ ଜୀଉବାସ୍ତାଥ ନାମଥା, ନେଆଁ ଉଦ୍ଭବକେତେ ସୁକ୍ଷ୍ମକାଳିକେ ବାସ୍ତାଥ ଦାଡ଼ିକାନା ୨:୧୭ । ଅକଥାଠି ପାର୍ମେଶ୍ୱାର୍ଥାଠ ଦାୟାତେ ହବାଦାଡ଼ିୟଥା, ମେନ୍ଦ ମାନଖାସାଠତେ କା ହବାଦାଡ଼ିୟଥା ।

ପୁଅ ଭିତରରେ ତାଲକାନ୍ କାଳି

- ୧. ପାଉଲୁସ୍‌ଆଠ ଜହାର୍ । ୧:୧-୫
- ୨. ପାଉଲୁସ୍‌ଆଠ ସିଦା ଜୀଞ୍ଜାନ୍, ଆୟାଠ ଇନ୍ଦିତୁ ଏମ୍ରେୟାଠ ଆକ୍ତେୟାର୍ ଆତ୍ମ ଆନ୍ତରରେୟାଠ କାଳିକାମି । ୧:୬-୨:୨୧
- ୩. ପାର୍ମେଶ୍ୱାର୍ଥାଠ ସାୟାଦ୍‌ତେ ଜୀଉବାସ୍ତାଥ ନାମେରେୟାଠ କାଳି । ୩-୪
- ୪. ବୁଗିନ୍ ଶ୍ରୀଷ୍ଟିୟାନ୍ ତାଲକ୍ ତାଲାନ୍ ନାଗେନ୍ତେ ଆନାରୁ । ୫:୬-୧୦
- ୫. ପାଉଲୁସ୍‌ଆଠ ଚୁଣ୍ଡ ଜହାର୍ ଆତ୍ମ ପାର୍ମେଶ୍ୱାର୍ଥାଠ ହରାତେ ଜୀଞ୍ଜାନ୍ ବାଦଲାଥ । ୬:୧୧-୧୮

ପାଉଲୁସ୍‌ଆଠ ଜହାର୍

^୧ ଆଇଙ୍ଗ୍ ପ୍ରେରିଡ୍ ପାଉଲୁସ୍ ତାନିଙ୍ଗ୍, ମାନଖାସାଠଏତେ ତାଏ ମାନଖା ହରାତେ କାଲକ୍ ହିଜାକାନା, ମେନ୍ଦ ଆପୁ ପାର୍ମେଶ୍ୱାର୍ତାଠଏତେ ଆତ୍ମ ଇନ୍ଦିଠ ଗଜାକାନ୍‌କଏତେ ଜୀଉବିରିଦାକାଲ, ଏନ୍ ଯୀଶୁ ଶ୍ରୀଷ୍ଟିଆଠ ହରାତେ କେନେଡ଼ା ନାମାକାଦାଲକ୍ । ^୨ ଆଇଁୟାଠଲଠ ନେତାଠରେ ତାଲନ୍‌ତାନ୍ ସବେନ୍ ବିଶ୍ୱାସୀ ହାଗା ମିଶିକ ଗାଳାତିୟ କାଲିସିୟାରେନ୍ ବିଶ୍ୱାସୀକକେ ଜହାର୍ ମେନ୍ତେକ କାଳିକୁଲେତାନା ।

^୩ ଆରୁଆଠ ଆପୁ ପାର୍ମେଶ୍ୱାର୍ ଆତ୍ମ ପ୍ରାଭୁ ଯୀଶୁ ଶ୍ରୀଷ୍ଟି ଆପେକେ ସାୟାଦ୍ ଆତ୍ମ ଜୀଉସୁକୁ ଏମାପେକାଏ ।

^୪ ନାହାଁଠରେୟାଠ ନେ ଏଡକାନ୍ ପାରିୟାଏତେ ଆରୁକେ ବାସ୍ତାଥରୁ ନାଗେନ୍ତେ ଆରୁଆଠ ଆପୁ ପାର୍ମେଶ୍ୱାର୍ଥାଠ ଇଛାସାନାକ୍‌କେ ମାନାତିଙ୍ଗ୍‌ତାନ୍‌ଲଠ, ଶ୍ରୀଷ୍ଟି ଆରୁଆଠ ପାପ୍ ନାଗେନ୍ତେ ଆଇଠକ୍‌କେ ଏମ୍‌କିୟା । ^୫ ପାର୍ମେଶ୍ୱାର୍ଥାଠ ମାନାରାଙ୍ଗ୍ ଜାନାଥ ଜାନାଥ ଜାକେଦ୍ ହବାଅଠକା । ଆମେନ୍ ।

ମିଆଁଦ୍‌ଗି ସୁକ୍ଷ୍ମକାଳି

୬ ଖ୍ରୀଷ୍ଟୁଆଃ ସାୟାଦ୍ ହରାତେ ଇନିଃ ଆପେକେ କେଡ଼ାକାଦ୍‌ପେ ତାଇକେନା, ଇମିନ୍ ଜାଲ୍‌ଦି ଆପେ ଇନିଃକେ ବାଗିକେଦ୍‌ତେ ଏଟାଃ ମିଆଁଦ୍ ସୁକୁକାଜିକେ ବିଶ୍ୱାସେତାନାପେ, ଏନାମେନ୍ତେ ଆଇଙ୍ଗ୍ ପୁରାଃଗିଇଙ୍ଗ୍ ହାଏକାଟଃତାନା । ୭ ସାର୍‌ତି କାଜିଲେରେ, ଏଟାଃ ସୁକୁକାଜି ବାନଃଆ । ମେନ୍‌ଦ୍ ଆଇଙ୍ଗ୍ କାଜିତାନାଇଙ୍ଗ୍, ଚିଆଃଚି ରିମିନ୍ ହଡ଼କ ଖ୍ରୀଷ୍ଟୁଆଃ ସୁକୁକାଜିକେ ଏଟାଃ ଲେକାତେ ଉଦୁବ୍‌କେଦ୍‌ତେ ଆପେକେ ଆକ୍‌ଦାନ୍‌ଆ ନାଗେନ୍ତେକ ସାନାଙ୍ଗ୍‌ତାନା । ୮ ମେନ୍‌ଦ୍ ଆଲେ ଅକ ସୁକୁକାଜି ଆପେତାଃରେ ଉଦୁବାକାଦ୍ ତାଇକେନାଲେ, ଏନାକେ ବାଗିକେଦ୍‌ତେ ଏଟାଃ ଲେକା ମିଆଁଦ୍ ସୁକୁକାଜି ଆଲେ ଚାଏ ସିର୍ମାରେନ୍ ଦୁଁଡ୍ ଉଦୁବେରେଦ୍, ଇନିଃ ସାର୍‌ପାଅଃକାଏ । ୯ ଆଲେ ସିଦାରେ କାଜିକାଦ୍ ତାଇକେନ୍ ଲେକାଗି, ନାହାଁଃ ଆତଃମିସା କାଜିତାନାଇଙ୍ଗ୍, ଆପେ ଅକ ସୁକୁକାଜି ତେଲ୍‌କାଦାପେ, ଏନାଏତେ ଏଟାଃ ସୁକୁକାଜି ଜେତାଏ ଉଦୁବେରେଦ୍, ଇନିଃ ସାର୍‌ପାଅଃକାଏ ।

୧୦ ନେଆଁ ଆୟ୍‌ମ୍‌କେଦ୍‌ତେ ଚିନାଃ ଆପେ ଆଟ୍‌କାରେତାନାପେ ଯେ, ଆଇଙ୍ଗ୍ ହଡ଼କତାଃଏତେ ସୁକୁଇଚିୟଃ ନାଙ୍ଗ୍ ସାନାଙ୍ଗ୍‌ତାନାଇଙ୍ଗ୍ ? କାହାଗି । ଆଇଙ୍ଗ୍ ପାର୍‌ମେଶ୍ୱାର୍‌ଆଃ ଏସ୍‌କାର୍ ସୁକୁଇଚିୟଃ ନାଙ୍ଗ୍ ସାନାଙ୍ଗ୍‌ତାନାଇଙ୍ଗ୍ । ଆଇଙ୍ଗ୍ ଚିନାଃ ସବେନ୍ ହଡ଼କତାଃରେ ସାରିୟଃ ନାଙ୍ଗ୍ ସାନାଙ୍ଗ୍‌ତାନାଇଙ୍ଗ୍ ? ଆଇଙ୍ଗ୍ ନାହାଁଃ ଜାକେଦ୍ ସବେନ୍ ହଡ଼କ ସାରିଙ୍ଗ୍‌କାକ ମେନ୍ତେଇଙ୍ଗ୍ ସାନାଙ୍ଗ୍‌ତାନାରେଦ୍, ଆଇଙ୍ଗ୍ ତିସିଙ୍ଗ୍ ଖ୍ରୀଷ୍ଟୁଆଃ ଦାସି କାଇଙ୍ଗ୍ ହବାକାନ୍‌ତେୟାଃ ।

ପାଉଲୁସ୍ ଚିଲ୍‌କାତେ ପ୍ରେରିଡ୍ ହବାୟାନାଏ

୧୧ ହେ ଦୁଲ୍‌ାଡ୍, ହାଗା ମିଗିକ, ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ଆଇଙ୍ଗ୍ ଅକ ସୁକୁକାଜିଇଙ୍ଗ୍ ଉଦୁବ୍‌ପେତାନା, ଏନା ମାନଝାତାଃଏତେ କା ଉଦୁବାକାନା । ୧୨ ଆଇଙ୍ଗ୍ ଜେତା ମାନଝାତାଃଏତେ ଏନା କାଇଙ୍ଗ୍ ନାମାକାଦା, ଚାଏ ଜେତାଏ ଆଇଙ୍ଗ୍‌କେ କାକ ଇଡୁକାଦିୟାଁ । ମେନ୍‌ଦ୍ ଯାଗୁ ଖ୍ରୀଷ୍ଟୁ ଆଇଃକ୍‌ଗି ଆଇଙ୍ଗ୍‌ତାଃରେ ଉଦୁବେନ୍‌ୟାନା ।

୧୩ ✧ ଯିହୁଦୀ ଧାରାମ୍ରେ ପାତିୟାରରଠଲେକା ତାଇକେନ୍ ଇମ୍ତା, ଆଇଙ୍ଗ୍ ଚିଲ୍ଲକା ଜୀଦାନ୍ ବିତାଅ ତାଇକେନାଇଙ୍ଗ୍, ଚିଲ୍ଲକା ବେଗାର୍ ଲିନିବୁଇତେ ପାର୍ମେଶ୍ୱାର୍ଆଃ କାଲିସିୟାରେନ୍ ହଡକକେ ସାସାତିକ ତାଇକେନାଇଙ୍ଗ୍ ଆଡଃ କାଲିସିୟାକେ ଜିୟନେ ନାଗେନ୍ତେଇଙ୍ଗ୍ ଚେଷ୍ଟା ତାଇକେନା, ଏନ୍ ସବେନ୍ ବିଷାଏରେ ଆପେକେଇଙ୍ଗ୍ ଉଦୁବାକାଦ୍ପେୟା । ୧୪ ✧ ଆଇଙ୍ଗ୍ ଯିହୁଦୀ ଧାରାମ୍ ମାନାତିଙ୍ଗ୍ରେ ଆଇୟାଃ ବାୟାସ୍ରେନ୍ ଯିହୁଦୀ ହଡକତାଃଏତେ ଆୟାର୍ରେଇଙ୍ଗ୍ ତାଇକେନା ଆଡଃ ଆରୁଆଃ ପୁରଖାହାଡାମ୍ ହଡକଆଃ ରିତିରିଖାଜ୍ ମାନାତିଙ୍ଗ୍ ନାଗେନ୍ତେ ପୁରାଃ ଚିହୁଲାନଗିଇଙ୍ଗ୍ ତାଇକେନା ।

୧୫ ✧ ମେନ୍ଦ ପାର୍ମେଶ୍ୱାର୍ ଆୟାଃ ସାୟାଦ୍ତେ ଆଇୟାଃ ଜାନାମ୍ ହବାଅଃ ସିଦାରେ ଆଇଙ୍ଗ୍କେ ସାଲାକେଦିୟାଁ ଆଡଃ ଆୟାଃ ସେଞ୍ଜା ନାଗେନ୍ତେ କେଡାକେଦିୟାଁ । ୧୬ ଆଡଃ ସାଅଁସାର୍ ହଡକଆଃ ଆଲାରେ ସୁକୁକାଜି ଉଦୁବ୍ ନାଗେନ୍ତେ ଚିମ୍ତା ପାର୍ମେଶ୍ୱାର୍ ଆୟାଃ ହନ୍କେ ଆଇୟାଃତାଃରେ ଉଦୁବ୍କିୟା, ଇମତା ନେ ବିଷାଏରେ କୁପ୍ଲି ନାଗେନ୍ତେ ଆଇଙ୍ଗ୍ ଏଟାଃକତାଃତେ କାଇଙ୍ଗ୍ ସେନାକାନ୍ ତାଇକେନା । ୧୭ ଚାଏ ଆଇୟାଃଏତେ ସିଦାରେ ଅକନ୍କ ପ୍ରେରିଡ୍ ତାଇକେନାକ, ଇନ୍କୁଲଃ ହଗି ନେପେଲ୍ ନାଗେନ୍ତେ ଯୀରୁଗାଲେମ୍ତେ କାଇଙ୍ଗ୍ ସେନାକାନ୍ ତାଇକେନା । ମେନ୍ଦ ଆଇଙ୍ଗ୍ ଇମ୍ତାଃଗି ଆରବ୍ ଦିଶୁମ୍ତେଇଙ୍ଗ୍ ସେନଃୟାନା ଆଡଃ ତାୟମ୍ତେ ଦମାସ୍କସ୍ତେ ରୁହାଡ୍ୟାନାଇଙ୍ଗ୍ । ୧୮ ✧ ଏନ୍ତେ ଆପି ବାରାଷ୍ ତାୟମ୍ତେ ଆଇଙ୍ଗ୍ ପାଡ୍ରାସ୍ଲଃ ନେପେଲ୍ ନାଙ୍ଗ୍ ଯୀରୁଗାଲେମ୍ତେଇଙ୍ଗ୍ ସେନଃୟାନା ଆଡଃ ଇନିଃଲଃ ଗେଲ୍ ମଶେୟାଁ ମାହାଁ ତାଇକେନାଇଙ୍ଗ୍ । ୧୯ ମେନ୍ଦ ପ୍ରାଭୁଆଃ ହାଗା ଯାକୁବ୍କେ ବାଗିକେଦ୍ତେ ଆଇଙ୍ଗ୍ ଏଟାଃ ଜେତା ପ୍ରେରିଡ୍ଲଃ କାଇଙ୍ଗ୍ ନେପେଲ୍ ।

୨୦ ଆଇଙ୍ଗ୍ ଅଲ୍ତାନ୍ତେୟାଃ ସାର୍ତି ତାନାଃ । ପାର୍ମେଶ୍ୱାର୍ ସାରିତାନାଏ, ଆଇଙ୍ଗ୍ କାଇଙ୍ଗ୍ ବେଦାତାନା !

୨୧ ଏନ୍ ତାୟମ୍ତେ ଆଇଙ୍ଗ୍ ସିରିୟା ଆଡଃ କିଲିକିଆ ପାର୍ଗାନ୍ତେଇଙ୍ଗ୍ ସେନଃୟାନା । ୨୨ ଏନ୍ ଦିପିଲିକରେ ଯିହୁଦୀ

✧ ୧:୧୩ ୧:୧୩ ପ୍ରେରିଡ୍ ଠ:୩; ୨୨:୪,୫; ୨୬:୯-୧୧. ✧ ୧:୧୪ ୧:୧୪ ପ୍ରେରିଡ୍ ୨୨:୩.
 ✧ ୧:୧୫ ୧:୧୫ ପ୍ରେରିଡ୍ ୯:୩-୬; ୨୨:୬-୧୦; ୨୬:୧୩-୧୮. ✧ ୧:୧୮ ୧:୧୮ ପ୍ରେରିଡ୍ ୯:୨୬-୩୦.

ରାଇଜ୍‌ରେ ତାଇନ୍‌ତାନ୍ ଖ୍ରୀଷ୍ଟୁଆଃ କାଲିସିୟାରେନ୍ ବିଶ୍ୱାସୀ ହାଗା ମିଶିକ ଆଇଙ୍ଗ୍‌କେ ବେଶ୍‌କେଦ୍‌ତେ କାକ ସାରିକାଇଙ୍ଗ୍ ତାଇକେନା । ୨୩ ଆଇଁୟାଃ ବିଷାଏରେ ଏଟାଃକ ଅକଆଃ କାଜିକାଦ୍ ତାଇକେନାକ, ଇମ୍‌ନାଙ୍ଗ୍ ଏସ୍‌କାର ଇନ୍‌କୁ ସାରିୟାକାଦ୍ ତାଇକେନାକ । ଏଟାଃକତାଃଏତେ ଇନ୍‌କୁ ଆୟୁମାକାଦ୍ ତାଇକେନାକ ଯେ, “ଅକନ୍ ହଡ୍ ଆବୁକେ ସିଦା ସିଗିଦ୍‌ରୁ ତାଇକେନା ଆଡ଼ଃ ଆବୁଆଃ ଧାରାମ୍‌କେ ଜିୟନେ ନାଗେନ୍ତେ ସାନାଙ୍ଗ୍ ତାଇକେନା, ନାହାଁଃଦ ଇନିଃ ଆବୁ ବିଶ୍ୱାସକାଦ୍ କାଜିକେ ପାର୍‌ତାର୍ ତାନା !” ୨୪ ଏନାମେନ୍ତେ ଇନ୍‌କୁ ଆଇଁୟାଃ ନାଗେନ୍ତେ ପାର୍‌ମେଶ୍ୱାର୍‌କେକ ମାନାରାଙ୍ଗ୍ ତାଇକେନା ।

୨

ପାଉଲୁସ୍ ଆଡ଼ଃ ଏଟାଃ ପ୍ରେରିଡ଼କ

୧ ☆ଏନ୍ତେ ଗେଲ୍ ଉପୁନିୟା ବାରାଷ୍ ତାୟମ୍‌ତେ ଆଇଙ୍ଗ୍ ଆଡ଼ଃମିସା ବର୍ଣ୍ଣବାସଲଃ ଯୀରୁଶାଲେମ୍‌ତେଇଙ୍ଗ୍ ରୁହାଡ଼୍‌ୟାନା, ଇମ୍‌ତା ତିତସ୍‌କେ ହଗି ଆଇଁୟାଃଲଃ ଗାତିରେଇଙ୍ଗ୍ ଇଦିକାଇ ତାଇକେନା । ୨ ଆଇଙ୍ଗ୍ ଏନ୍ତାଃତେ ସେନ୍‌କେନାଇଙ୍ଗ୍ ତିଆଃତି ପାର୍‌ମେଶ୍ୱାର୍‌ତାଃଏତେ ଉନ୍‌ଦୁବ୍ ନାମାକାଦ୍ ତାଇକେନାଇଙ୍ଗ୍ । ସାଆଁସାର୍ ହଡ଼କତାଃରେ ଆଇଙ୍ଗ୍ ଅକ ସୁକୁକାଜି ଉଦୁବ୍‌କାଦାଈଙ୍ଗ୍, ଏନା ଯୀରୁଶାଲେମ୍‌ରେନ୍ ଆଗୁଆଇକକେ ମିଆଁଦ୍ ଅଡ଼ାଃରେ ଦୁନ୍‌ବ୍ ଇମ୍‌ତା ଇନ୍‌କୁକେ ବୁଗିଲେକାଇଙ୍ଗ୍ ଉଦୁବ୍‌କାଦକ ତାଇକେନା । ଆଇଁୟାଃ ସିଦାକରାଃ କାମି ଆଡ଼ଃ ନାହାଁଃରେୟାଃ କାମିକ ଜେ'ଲେକା ସାମାଏଶ୍ୱାଗଃଆ ମେନ୍ତେ ଆଇଙ୍ଗ୍ କାଇଙ୍ଗ୍ ସାନାଙ୍ଗ୍ ତାଇକେନା । ୩ ଆଇଁୟାଃ ଗାତି ତିତସ୍ ମିଆଁଦ୍ ଗ୍ରୀକ୍ ହଡ଼ ତାଇକେନାଏ, ଏନ୍‌ରେହ ଇନିଃକେ ଖାଡ଼୍‌ନାଅ ରିକାଃଅ ଲାଗାତିୟାଃ ମେନ୍ତେ କା କାଜିକାନ୍ ତାଇକେନା । ୪ ମେନ୍‌ଦ୍ ଚିମିନ୍ ହଡ଼କ ଇନିଃକେ ଖାଡ଼୍‌ନାଅ ରିକାଇ ନାଗେନ୍ତେକ ସାନାଙ୍ଗ୍ ତାଇକେନା । ଇନ୍‌କୁ ବିଶ୍ୱାସୀ ହାଗା ତାନ୍‌ଲେ ମେନ୍ତେ ବେଦାକେଦ୍‌ତେ କୁମ୍‌ଡୁକୁ ଲେକା ଝୁଣ୍ଡ୍‌ରେ ମେସାକାନ୍ ତାଇକେନାକ । ଖ୍ରୀଷ୍ଟ୍ ଯୀଶୁଲଃ ମେସାୟାନ୍ ହରାତେ ଆବୁ ଅକ କିରିଙ୍ଗ୍‌ୟାକାନ୍ ଦାସିଏତେ ରାଡ଼ାକାନାବୁ,

☆ ୨:୧ ୨:୧ ପ୍ରେରିଡ଼ ୧୧:୩୦; ୧୫:୨.

ଏନାକେ ଦାଣାଁ ନାମ୍‌ତେୟାଃ ଇନ୍‌କୁଆଃ ଉଦେଶ୍‌ ତାଇକେନା । ଆରୁକେ ଆତଃମିସା ଆନ୍‌ତୁରେୟାଃ କିରିଙ୍‌ଫାଁକାନ୍‌ ଦାସି ହବାଃଅ ନାଗେନ୍ତେ ଇନ୍‌କୁ ସାନାଙ୍‌ ତାଇକେନାକ । ^୫ ମେନ୍‌ଦ ଆପେୟାଃ ନାଗେନ୍ତେ ସୁକୁକାଜିରେୟାଃ ସାନାର୍‌ତି ତାଇନଃକା ମେନ୍ତେ ଆଲେ ଏନ୍‌ ବେଦାହଡ଼କକେ କାଟିଃଲେକାହ୍‌ ଠାୟାଦ୍‌ କାଲେ ଏମାକାକ ତାଇକେନା ।

^୬ ମେନ୍‌ଦ ଅକ ହଡ଼କ ଆଗୁଆଇ ମେନ୍ତେ କାଜିୟଃ ତାଇକେନାକ, ଇନ୍‌କୁ ଜେତା ହଡ଼ ତାଇନଃରେୟ, ଏନାରେ ଆଇୟାଃ ଜେତାନ୍‌ କାଜି ବାନଃଆ, ଚିୟାଃତି ହଡ଼ରାଃ ବାହାରି ନେପେଲ୍‌ରେ ପାର୍‌ମେଶ୍‌ବାର୍‌ ଜେତାଏୟାଃ ବିଚାର୍‌ କାଏ ରିକାଃ, ଏନ୍‌ ଆଗୁଆଇକ ଆଇଙ୍‌କେ ଜେତାନ୍‌ ନାଞ୍ଜା କାଜିକ କାକ ଏମାକାଇଙ୍‌ ତାଇକେନା । ^୭ ଏଟାଃ ହରାତେ, ଇନ୍‌କୁ ନେଲ୍‌କେଦାକ ଯେ, ପାର୍‌ମେଶ୍‌ବାର୍‌ ଜେ'ଲେକା ଯିହୁଦୀ ହଡ଼କତାଃରେ ସୁକୁକାଜି ଉଦୁବ୍‌ରେୟାଃ ବାହାରମ୍‌ ପାଡ଼ରାସ୍‌କେ ଏମାକାନ୍‌ ତାଇକେନା, ଏନ୍‌ଲେକାଗି କା ଖାଡ଼ନାଅକାନ୍‌ ହଡ଼କଆଃ ଆୟାର୍‌ରେ ସୁକୁକାଜି ଉଦୁବ୍‌ରେୟାଃ ବାହାରମ୍‌ ଆଇଙ୍‌କେ ଏମାକାନା । ^୮ ଚିୟାଃତି ପାଡ଼ରାସ୍‌ ଜେ'ଲେକା ପାର୍‌ମେଶ୍‌ବାର୍‌ଆଃ ପେଡ଼େଃତେ ଯିହୁଦୀ ହଡ଼କ ନାଗେନ୍ତେ ପ୍ରେରିଡ଼୍‌ ଲେକାଏ ସାଲାକାନ୍‌ ତାଇକେନା, ଆଇଙ୍‌ହଗି ଏନ୍‌ଲେକାଗି ପାର୍‌ମେଶ୍‌ବାର୍‌ଆଃ ପେଡ଼େଃତେ ସାଅଁସାର୍‌ ହଡ଼କ ନାଗେନ୍ତେ ପ୍ରେରିଡ଼୍‌ ଲେକାଇଙ୍‌ ସାଲାକାନା । ^୯ ଆଗୁଆଇ ଲେକା କାଜିୟଃତାନ୍‌ ଯାକୁବ୍‌, ପାଡ଼ରାସ୍‌ ଆତଃ ଯୋହାନ୍‌ ମାନାତିଙ୍‌କେଦାକ ଯେ, ପାର୍‌ମେଶ୍‌ବାର୍‌ ଆଇଙ୍‌କେ ନେ ସାୟାଦ୍‌ରେୟାଃ ବିଶେଷ୍‌ କାମି ନାଗେନ୍ତେ ବାହାରମ୍‌ ଏମାକାଦିୟାଏ । ଏନାମେନ୍ତେ ଇନ୍‌କୁ ଆଇଙ୍‌କେ ଆତଃ ବର୍ଣ୍ଣବାସ୍‌କେ ମିସାତେ କାମିତାନ୍‌ ହଡ଼କିନ୍‌ ତାନ୍‌କିନ୍‌ ମେନ୍ତେ କାଜିକେଦାକ । ବର୍ଣ୍ଣବାସ୍‌ ଆତଃ ଆଇଙ୍‌ ସାଅଁସାର୍‌ ହଡ଼କଆଃ ଆଲାରେ ଆତଃ ଇନ୍‌କୁ ଯିହୁଦୀ ହଡ଼କଆଃ ଆଲାରେ କାମିୟାକ ମେନ୍ତେ ମିଦମନ୍‌ୟାନାଲେ । ^{୧୦} ଇନ୍‌କୁ ନିମିନାଙ୍‌ ଏସ୍‌କାର୍‌ ବିକ୍ରିକାଦ୍‌ ତାଇକେନାକ ଯେ, ଆଲେ ଇନ୍‌କୁଆଃ ଝୁଣ୍ଡରେ ତାଇନ୍‌ତାନ୍‌ ଜାଞ୍ଜିଆଃ ହଡ଼କକେ ପାହାମ୍‌କଆଲେ । ଏନ୍‌ ବିଷାଏରେଗି ଆଇୟାଃ ସାନାଙ୍‌ ତାଇକେନା ।

ଆନ୍ତିୟୋଖରେ ପାତ୍ରରାସ୍ତାରେ ପାତ୍ରଲୁପ୍ତଆଃ କାଳିକଟଙ୍କ

୧୧ ମେନ୍ଦ ପାତ୍ରରାସ୍ତା ଆନ୍ତିୟୋଖରେ ହିନ୍ଦୁକାନ ଇମତା ଆଇଙ୍ଗ ହତକ ଥାଲାରେ ଇନିୟାଃ କାଳିକଟଙ୍କ ରିକାକାଦ୍ ତାଇକେନାଇଙ୍ଗ, ଚିଆଃଚି ଇନିଃ ଭୁଲ ରିକାକାଦ୍ ତାଇକେନାଏ । ୧୨ ଯାକୁବ୍‌ଆଃ ହରାତେ କୁଲାକାନ ଚିମିନ୍ ହତକ ଏନ୍ତାଃତେ ହିନ୍ଦୁଃ ସିଦାରେ, ପାତ୍ରରାସ୍ତା ସାଅଁସାର୍ ହତକଲଃ ଜମ୍‌ତାନ୍ ତାଇକେନାଏ । ମେନ୍ଦ ଏନ୍ ହତକ ହିନ୍ଦୁଃ ତାୟମ୍‌ତେ, ଇନିଃ କାଏ ଜମ୍‌କେଦା, ଚିଆଃଚି ସାଅଁସାର୍ ହତକକେ ଖାତ୍‌ନାଅ ହବାଃଅ ଲାଗାତିଙ୍ଗ୍‌ୟାଃ ମେନ୍ତେ ଅକ ହତକ କାଜିତାଇକେନାକ, ଇନକୁକେ ଇନିଃ ବରକ ତାଇକେନାଏ । ୧୩ ଏଟାଃ ଯିହୁଦୀ ହାଗା ମିଶିକ ପାତ୍ରରାସ୍ତଲଃ ମେସାକେଦ୍‌ତେ ହସତ୍ କାମିକ କାମିକେଦା ଆତଃ ଏନ୍‌ଲେକା ବର୍ଣ୍ଣବାସ୍ ହଗି ଇନକୁଆଃ ହସତ୍‌ରେ ଉୟୁଃୟାନା । ୧୪ ମେନ୍ଦ ଚିମ୍‌ତା ଆଇଙ୍ଗ ଇନକୁକେ ସୁକୁକାଜିରାଃ ସାନାର୍‌ତି ଲେକାତେ ଜୀଝାନ୍ ବିତାଅତେୟାଃ କାଇଙ୍ଗ୍ ନେଲ୍‌କେଦକଥା, ଇମ୍‌ତା ଆଇଙ୍ଗ୍ ପାତ୍ରରାସ୍ତାରେ ଇନକୁଆଃ ଆୟାର୍‌ରେଇଙ୍ଗ୍ କାଜିକିୟା, “ମେନ୍ଦ ଆମ୍ ଯିହୁଦୀ ହତ୍ ତାଇନକେଦ୍‌ତେ ସାଅଁସାର୍ ହତକ ଲେକାମ୍ ସେସେନ୍‌ତାନା, ତାଦ୍‌ଦ ଯିହୁଦୀ ହତକ ଲେକା ଜୀଝାନ୍ ବିତାଅ ନାଗେନ୍ତେ ଆମ୍ ଚିଲ୍‌କାତେ ସାଅଁସାର୍ ହତକକେମ୍ ଆରୁକତାନା ?”

ବିଶ୍ୱାସ୍ ହରାତେ ଜୀଉ ବାସ୍ତାଅ

୧୫ ସାର୍‌ତିଗି ଆଲେ ଜାନାମ୍‌ଏତେଗି ଯିହୁଦୀ ହତକତାନ୍‌ଲେ, କାନାଜି ଲେକାତେ, ପାପି ସାଅଁସାର୍ ହତକ ନାହାଁଲାଃଲେ । ୧୬ ☆ଏନ୍‌ରେୟ, ଆଲେ ସାରିତାନାଲେ ଯେ, ଆନ୍‌ରୁରାଃ କାଜିକ ପୁରାକେଦ୍‌ତେ କାହାଗି, ମେନ୍ଦ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍‌କେଦ୍ ହରାତେ ଏସ୍‌କାର୍ ମିହୁଡ୍ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃଆଏ । ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ ହବାଅଃ ନାଗେନ୍ତେ ଆଲେ ଆନ୍‌ରୁ ଚେତାନ୍‌ରେ କା ଆସ୍ତାକେଦ୍‌ତେ ଯୀଶୁ ଖ୍ରୀଷ୍ଟତାଃରେ ବିଶ୍ୱାସ୍ ତାନାଲେ, ଚିୟାଃଚି ଆନ୍‌ରୁ ମାନାତିଙ୍ଗ୍‌କେଦ୍‌ତେ ଏସ୍‌କାର୍ ଜେତାଏ ପାର୍‌ମେଶ୍ୱାର୍‌ଆଃ ଆୟାର୍‌ରେ ଧାର୍‌ମାନ୍ କାଏ ହବାଅଃଆ । ୧୭ ମେନ୍ଦ ଖ୍ରୀଷ୍ଟଲଃ ମେସାକେଦ୍‌ତେ ପାର୍‌ମେଶ୍ୱାର୍‌ଆଃ

ଆୟାତ୍ରେ ଧାର୍ଯ୍ୟ ହବାଅଃ ନାଗେନ୍ତେ ସାନାଙ୍ଗତାନ ଇମ୍ବତା ଆବୁ ହଗି ସାଅଁସାର୍ ହଡକ ଲେକା ପାପି ହବାକେଦ୍ତେ ମେନାରୁରେଦ, ତିନାଃ ଖ୍ରୀଷ୍ଟ ଏନାରେନ୍ ଜିମାଦାର୍ ତାନିଃ ? କାହାଗି ଏନାଦ ଆଲକା ହବାଅଃକା ? ^{୧୮} ଚିୟାଃତି ଅକ ଆନ୍ତୁରାଃ ତନଲ୍ଲକେ ଆଇଙ୍ଗ୍ ଚଟାଃକାଦାଇଙ୍ଗ୍, ଏନାକେ ଆଡଃମିସା ବାଇରୁହାଡ଼େରେଦ ଆଇଙ୍ଗ୍ ଗୁନ୍ନା ହବାଅଃଆଇଙ୍ଗ୍ । ^{୧୯} ଆଇଙ୍ଗ୍ ଆନ୍ତୁ ନାଗେନ୍ତେ କାଇଙ୍ଗ୍ ଜୀହୁଦଃତାନାଃ ଚିଆଃତି ଆନ୍ତୁ ଆଇଁୟାଃ ଗନଏଃ ଆଡକେଦାଏ, ମେନ୍ଦ ନାହାଁଃ ଆଇଙ୍ଗ୍ ପାର୍ମେଶ୍ଵାର୍ ନାଗେନ୍ତେ ଜାନିଦ୍ ମେନାଇୟା । ଖ୍ରୀଷ୍ଟଲଃ ଆୟାଃ କୁଗ୍ ଚେତାନରେ ଆଇଙ୍ଗ୍ ହଗି ଗଜାକାନାଇଙ୍ଗ୍ । ^{୨୦} ଏନାମେନ୍ତେ ନାହାଁଃ ଆଇଙ୍ଗ୍ ଜାନିଦ୍ ନାହାଁଲିଙ୍ଗ୍, ଆଇଁୟାଃତାଃରେ ଖ୍ରୀଷ୍ଟଗି ଜାନିଦ୍ ମେନାଇୟା । ଆଇଙ୍ଗ୍ ହାସା ହଡ଼ମ୍ରେ ତାଇକେଦ୍ତେ ନାହାଁଃ ଅକ ଜୀହାନ୍ ବିତାଅତାନାଇଙ୍ଗ୍, ଏନାଦ ଆଇଙ୍ଗ୍ ପାର୍ମେଶ୍ଵାର୍ଆଃ ହନ୍ତାଃରେ ବିଶ୍ଵାସ୍କେଦ୍ ହରାତେ ଏସ୍କାର୍ ହବାଦାଡ଼ିକାନା, ଅକଏଚି ଆଇଙ୍ଗ୍କେ ଦୁଲ୍ଲାଡ଼କେଦ୍ତେ ଆଇଁୟାଃ ନାଗେନ୍ତେ ଆୟାଃ ଜୀଉକେ ଏମକେଦାଏ । ^{୨୧} ଏନାମେନ୍ତେ ପାର୍ମେଶ୍ଵାର୍ଆଃ ସାୟାଦ୍କେ ଆଇଙ୍ଗ୍ ସାମାତାନାଃ ମେନ୍ତେ କାଇଙ୍ଗ୍ କାଜି, ଚିୟାଃତି ଆନ୍ତୁ ମାନାତିଙ୍ଗ୍ ହରାତେ ଏସ୍କାର୍ ମିହୁଡ୍ ପାର୍ମେଶ୍ଵାର୍ଆଃ ଆୟାତ୍ରେ ଧାର୍ଯ୍ୟ ହବାଅଃରେଦ, ଖ୍ରୀଷ୍ଟଆଃ ଗନଏଃ ସାମାତାନାଃ ମେନ୍ତେ କାଜିୟଃଆ ।

୩

ଆନ୍ତୁ ଚାଏ ବିଶ୍ଵାସ୍

^୧ ହେ ଗାଳାତିୟରେନ୍ ଡଣ୍ଡକ ! ଅକଏ ଆପେକେ ମୁହିନ୍ କାଦ୍ପେୟା ? କୁଗ୍ ଚେତାନରେ ଯୀଶୁ ଖ୍ରୀଷ୍ଟଆଃ ଗନଏଃ କାଜି ବୁଗିଲେକା ଆପେତାଃରେ ଉଦୁବାକାନା । ^୨ ଆପେ ଆଇଙ୍ଗ୍କେ ମିଆଁଦ୍ କାଜି କାଜିଙ୍ଗ୍ପେ, ଆନ୍ତୁ ମାନାତିଙ୍ଗ୍ ହରାତେ ଆପେ ପାବିତାର୍ ଆମ୍ବକେପେ ନାମ୍ବକିୟା ଚି ସୁକୁକାଜି ଆୟୁମ୍ବକେଦ୍ତେ ଏନାରେ ବିଶ୍ଵାସ୍କେଦ୍ ହରାତେ ? ^୩ ଆପେ ତିନାଃ ନିମିନ୍ ଡଣ୍ଡତାନପେ ? ପାର୍ମେଶ୍ଵାର୍ଆଃ ପାବିତାର୍ ଆମ୍ବରାଃ ପେଡ଼େଃତେ ଆପେ ଅକ ଜୀଦାନ୍ ଏଟେଦ୍କାଦାପେ, ଏନାକେ ତିନାଃ ଆପ୍ନାଃ

ହାସା ହତ୍ତମରେୟାଃ ପେଡ଼େଃତେ ଚୁଶ୍ଚୁ ନୁନାଞ୍ ସାନାଞ୍ତାନାପେ ?
 ୪ ଆପେ ଚିନାଃ ସାମାରେ ନିମିନାଞ୍ ଦୁକୁହାସୁ ସାହାତିଞ୍କାଦାପେ
 ? ଏନାଏତେ ଚିନାଃ ଜେଡ଼ନାଃ କାପେ ଇଡୁକାନା ? ୫ ଆପେ
 ଆନୁଚୁରେ ଏସ୍କାର୍ ବିଶ୍ୱାସ୍କାଦ୍ ହରାତେ ଚିନାଃ ପାର୍ମେଶ୍ୱାର୍
 ଆପେକେ ଆୟାଃ ଆମ୍ବା ଏମାକାଦ୍ପେୟାଏ ଆତଃ ଆପେୟାଃ
 ଆଲ୍ଲାରେ ଆକ୍ଦାନ୍ଦାଅ କାମିକଏ ରିକାଏତାନା, ତି ଆପେ ସୁକୁକାଜି
 ଆୟୁମ୍ବକେଦ୍ତେ ଏନାରେ ବିଶ୍ୱାସ୍କେଦ୍ ହରାତେ ଇନିଃ ଏନାକ
 ରିକାଃଏ ?

୬ ✨ଆବ୍ରାହାମ୍‌ଆଃ କାଜିକେ ପାହାମେପେ । ଧାରାମ୍‌ପୁଥ୍ରେ
 ଅଲ୍ଲକାନା, “ଇନିଃ ପାର୍ମେଶ୍ୱାର୍‌ତାଃରେ ବିଶ୍ୱାସ୍କେଦା ଆତଃ
 ଆୟାଃ ବିଶ୍ୱାସ୍ ହରାତେ ପାର୍ମେଶ୍ୱାର୍ ଇନିଃକେ ଧାର୍ମାନ୍ ମେନ୍ତେ
 କାଜିକିୟା ।” ୭ ✨ବିଶ୍ୱାସ୍‌ତାନ୍ ହତ୍ତକ ଏସ୍କାର୍ ଆବ୍ରାହାମ୍‌ଆଃ ହନ୍କ
 ତାନ୍କ, ଏନା ଆପେକେ ସାରି ଲାଗାତିଞ୍ୟାଃ । ଠ ସିଦାରେଗି
 ଧାରାମ୍‌ପୁଥ୍ରେ ଅଲ୍ଲକାନା, ବିଶ୍ୱାସ୍ ହରାତେ ପାର୍ମେଶ୍ୱାର୍ ସାଅଁସାର୍
 ହତ୍ତକେ ହଗି ଧାର୍ମାନ୍ ମେନ୍ତେ କାଜିକିଆ, ଆବ୍ରାହାମ୍‌ତାଃରେ
 ନେ କାଜି ପାହିଲ୍ଲା ଉଦୁବ୍‌କାଦ୍ ତାଇକେନା, “ଆମାଃ ହରାତେ
 ପାର୍ମେଶ୍ୱାର୍ ଅତେଦିଶ୍ୱମ୍‌ରେନ୍ ସବେନ୍ ହତ୍ତକେ ଆଗିଷ୍ଟକିଆ ।”
 ୯ ଆବ୍ରାହାମ୍ ବିଶ୍ୱାସ୍କେଦ୍ତେ ଆଗିଷ୍ଟ ନାମ୍‌କେଦାଏ । ଏନାମେନ୍ତେ
 ଅକନ୍‌କ ବିଶ୍ୱାସେୟାକ, ଏନ୍ ସବେନ୍‌କ ଆୟାଃ ଲେକାଗି ଆଗିଷ୍ଟକ
 ନାମେୟା ।

୧୦ ଅକନ୍‌କ ଆନୁଚୁ ମାନାତିଞ୍ ଚେତାନ୍‌ରେ ଆସ୍ତା ଦହୟାକ,
 ଇନ୍‌କୁ ସାର୍‌ପାଅରେୟାଃ ବରତେ ଜୀଦାନ୍ ବିତାଅଆଃକ । ଚିୟାଃତି
 ଧାରାମ୍‌ପୁଥ୍ରେ ଅଲ୍ଲକାନା “ମୁଶାରାଃ ଆନୁଚୁ ପୁଥ୍ରେ ଅକ ସବେନାଃ
 ଅଲ୍ଲକାନା, ଜେତାଏ ଏନାକେ ପୁରା କାଏ ମାନାତିଞ୍‌ରେଦ ଇନିଃ
 ପାର୍ମେଶ୍ୱାର୍‌ଆଃ ସାର୍‌ପାଅଃନିଃ ତାନିଃ ।” ୧୧ ନେ ହରାତେ
 ସାରିୟାତାନା, ଆନୁଚୁ ହରାତେ ଜେତା ହତ୍ତ ପାର୍ମେଶ୍ୱାର୍‌ଆଃ
 ଆୟାର୍‌ରେ ଧାର୍ମାନ୍ କାଏ ହବାଅଆ, ଚିୟାଃତି ଧାରାମ୍‌ପୁଥ୍ରେ
 ଅଲ୍ଲକାନା, “ପାର୍ମେଶ୍ୱାର୍‌ଆଃ ଆୟାର୍‌ରେ ଧାର୍ମାନ୍ ହତ୍ତ ବିଶ୍ୱାସ୍
 ହରାତେ ଜାହିଦଃଆ ।” ୧୨ ମେନ୍‌ଦ ଆନୁଚୁଲଃ ବିଶ୍ୱାସ୍‌ରାଃ ଜେତାନ୍

✨ ୩:୭ ୩:୭ ରୋମି ୪:୩. ✨ ୩:୭ ୩:୭ ରୋମି ୪:୧୭.

ନାତା ବାନଆଃ । ଧାରାମ୍ପୁଅରେ ଅଲ୍ଲକାନା, “ଅକ ହଡ଼ ସବେନ୍ ଆନ୍‌ରୁ ମାନାତିଙ୍ଗ୍ ରିକାଃଏ, ଇନିଃ ବାଞ୍ଚାଅଃଆଏ ।”

^{୧୩} ମେନ୍‌ଦ ଖ୍ରୀଷ୍ଟ୍ ଆରୁ ନାଗେନ୍ତେ ସାର୍‌ପାଅ ନାମ୍‌କେଦ୍‌ତେ ଆନ୍‌ରୁରେ ଅଲ୍ଲକାନ୍ ସାର୍‌ପାଅଏତେ ଆରୁକେ ରାଡ଼ାକାଦ୍‌ରୁଆ । ଧାରାମ୍ପୁଅରେ ଅଲ୍ଲକାନା, “ଜେତାଏ ଦାରୁରେ ହାକା ଗଜଃଆଏ, ଇନିଃ ପାର୍‌ମେଶ୍ୱାର୍‌ଆଃ ହରାତେ ସାର୍‌ପାଅଃନିଃ ତାନିଃ ।”

^{୧୪} ପାର୍‌ମେଶ୍ୱାର୍‌ ଆବ୍ରାହାମ୍‌କେ ଅକ ଆଶିଷ୍ ନାଗେନ୍ତେ ବାନାର୍‌ସା ଏମାକାଈ ତାଇକେନାଏ, ସାଅଁସାର୍ ହଡ଼କହଗି ଜେ'ଲେକା ଏନ୍ ଆଶିଷ୍ ନାମ୍ ଦାଡ଼ିୟାକ, ଏନାମେନ୍ତେ ଖ୍ରୀଷ୍ଟ୍ ନେ କାମିକେ ପୁରାକେଦା । ଏନାମେନ୍ତେ ବିଶ୍ୱାସ୍ ହରାତେ ଆରୁ ହଗି ପାର୍‌ମେଶ୍ୱାର୍ କାଜିକାଦ୍ ଲେକା ପାବିତାର୍ ଆମ୍‌ବୁ ନାମ୍ ଦାଡ଼ିୟା ।

ଆନ୍‌ରୁ ଆତଃ ବାନାର୍‌ସା

^{୧୫} ହେ ହାଗା ମିଶିକ, ଆଇଙ୍ଗ୍ ମିଆଁଦ୍ ନାମୁନା ଏମାପେତାନାଇଙ୍ଗ୍, ଚିମ୍‌ତା ବାର୍‌ହଡ଼୍ ଜେତାନ୍ ବିଷାଏରେ ମିଆଁଦ୍ ରାଜିନାମା ବାଇୟାଃକିନ୍ ଇମ୍‌ତା ଏନାକେ ଜେତାଏ କାକ ଟଟାଃଦାଡ଼ିୟା ଚାଏ ଏନାରେ ଜେଡ଼ନାଃ କାକ ମେସା ଦାଡ଼ିୟା । ^{୧୬} ଆବ୍ରାହାମ୍ ଆତଃ ଆୟାଃ କିଲିକତାଃରେ ପାର୍‌ମେଶ୍ୱାର୍ ଆୟାଃ ବାନାର୍‌ସା ଏମାକାଦ୍ ତାଇକେନାଏ । ମେନ୍‌ଦ ନେ ବିଷାଏରେ, “ଆମାଃ କିଲିକ ନାଗେନ୍ତେ,” ମେନ୍‌ଲେରେ ପୁରାଃ ହଡ଼କ ନାଗେନ୍ତେ ମେନ୍ତେ ଧାରାମ୍ପୁଅରେ କା ଅଲ୍ଲକାନା । “ଆମାଃ କିଲି ନାଗେନ୍ତେ ଏସ୍‌କାର୍” ମେନ୍ତେ ଅଲ୍ଲକାନା । ଏନାତେ ଏନ୍ ଧାରାମ୍ପୁଅରେ ଅଲ୍ଲକାନ୍‌ତେୟାଃ, ମିଆଁଦ୍ ହଡ଼ ନାଗେନ୍ତେ ଏସ୍‌କାର୍, ମେନ୍‌ଲେରେ ଖ୍ରୀଷ୍ଟ୍ ନାଗେନ୍ତେ ଏସ୍‌କାର୍ ଅଲ୍ଲକାନା । ^{୧୭} ଆଇଁୟାଃ କାଜିରାଃ ମୁଣ୍ଡି ହବଃଅଃତାନାଃ, ପାର୍‌ମେଶ୍ୱାର୍ ଆବ୍ରାହାମ୍‌ଲଃ ମିଆଁଦ୍ ରାଜିନାମା ବାଇକାଦ୍ ତାଇକେନାଏ, ଆତଃ ଏନା ବାଞ୍ଚାଅ ନାଗେନ୍ତେ ବାନାର୍‌ସା ଏମାକାଦ୍ ତାଇକେନାଏ । ଅକ ଆନ୍‌ରୁ ୪୩୦ ବାରାଷ୍ ତାୟମ୍‌ତେ ଏମ୍‌ୟାନା, ଏନ୍ ଆନ୍‌ରୁ ଏନ୍ ରାଜିନାମାକେ ଟଟାଃକେଦ୍‌ତେ ପାର୍‌ମେଶ୍ୱାର୍ ଏମାକାଦ୍ ବାନାର୍‌ସାକେ କାଏ ହକା ଦାଡ଼ିୟା । ^{୧୮} *ପାର୍‌ମେଶ୍ୱାର୍‌ଆଃ ବାନାର୍‌ସା ହରାତେ ଏମାକାନ୍ ଆଶିଷ୍ ନାମ୍ ନାଗେନ୍ତେ ଆନ୍‌ରୁ ତେତାନ୍‌ରେ ଆସ୍ତାଏ ରେଦ୍, ଏନା ଆୟାଃ ଏମାକାଦ୍

☆ ୩:୧୮ ୩:୧୮ ରୋମି ୪:୧୪.

ବାନାର୍ଯ୍ୟା ହରାତେ ନାମାକାନା ମେନ୍ତେ କା କାଜିୟଃଆ । ଏନାତେ ପାରମେଶ୍ଵାର୍ ଆୟାଃ ବାନାର୍ଯ୍ୟା ଲେକାତେ ଏସ୍କାର୍ ଏନ୍ ଆଶିଷ୍ ଆରୁହାମ୍ବକେ ଏମ୍ବକିୟା ।

୧୯ ତାବ୍ଦ ଆନ୍ତରୁ ଚିନାଃମେନ୍ତେ ଏମ୍ବୟାନା ? ହଡ଼କଆଃ ସବେନ୍ ଏଡ଼କାନ୍ କାମିକକେ ଉଦୁବ୍ରେୟାଃ ଉଦ୍ଦେଶ୍ରେ ଏନା ଏମାକାନ୍ ତାଇକେନା, ଆଡଃ ଆରୁହାମ୍ବଆଃ ଅକ କିଲିକେ ନେଲକେଦ୍ତେ ପାରମେଶ୍ଵାର୍ ବାନାର୍ଯ୍ୟା ଏମାକାଦ୍ ତାଇକେନାଏ, ଏନ୍ ହଡ଼ରାଃ ହିନିଜୁଃ ଜାକେଦ୍ ଆନ୍ତରୁରାଃ ଲାଗାତିଜ୍ ତାଇକେନା । ପାରମେଶ୍ଵାର୍ ଆଡଃ ହଡ଼କଆଃ ଆଲାରେ କାମିତାନ୍ ମିଆଁଦ୍ ହଡ଼କେ ଦୁଡ଼କଆଃ ହରାତେ ଏନ୍ ଆନ୍ତରୁ ଏମାକାନ୍ ତାଇକେନା । ୨୦ ମେନ୍ଦ୍ ବାନାର୍ଯ୍ୟା ଏମାକାନ୍ ଦାନ୍ଲଃ ମିହୁଡ୍ ଏସ୍କାର୍ ମେସାକାନ୍ ତାଇକେନାଏ । ଇନିଃ ପାରମେଶ୍ଵାର୍ ତାନିଃ ।

ଆନ୍ତରୁରେୟାଃ ଉଦ୍ଦେଶ୍

୨୧ ଆନ୍ତରୁ ଚିନାଃ ପାରମେଶ୍ଵାର୍ ଏମାକାଦ୍ ବାନାର୍ଯ୍ୟାକେ ବିରୁଧ୍ ରିକାଃଏ ? କାହାଗି, ଚିତ୍ତଲାଅ କା ହବାଅଃଆ ! ଚିଆଃତି ମାନଝାକେ ଜୀଦାନ୍ ଏମେ ଲେକା ମିଆଁଦ୍ ଆନ୍ତରୁ ବାଇୟାକାନ୍ ରେଦ୍, ଏନାକେ ମାନାତିଜ୍ ହରାତେଗି ମାନଝା ପାରମେଶ୍ଵାର୍ଆଃ ଆୟାର୍ରେ ଧାର୍ମାନିଃ ମେନ୍ତେ ଉଦୁବ୍କାନ୍ତେୟାଃ । ୨୨ ମେନ୍ଦ୍ ଧାରାମ୍ପୁଥିରେ ଅଲ୍ଲକାନା, ସବେନ୍ ମାନଝାକ ପାପ୍ରେୟାଃ ଆକ୍ତେୟାର୍ରେ ମେନାକଆ, ଏନାମେନ୍ତେ ଯୀଶୁ ଖ୍ରୀଷ୍ଟାଃରେ ବିଶ୍ଵାସକାଦ୍ ହରାତେ ବାନାର୍ଯ୍ୟା ଏମାକାନ୍ ଆଶିଷ୍ ଖ୍ରୀଷ୍ଟ ବିଶ୍ଵାସୀକକେ ଏମଃଆ ।

୨୩ ବିଶ୍ଵାସରେୟାଃ ଦିପିଲି ହିଜୁଃ ସିଦାରେ ଆଡଃ ଏନା ଉନ୍ନୁଦ୍ ହବାଅଃ ଜାକେଦ୍ ଆନ୍ତରୁ ଆରୁ ସବେନ୍କକେ ତଲ୍ଲକାଦ୍ବୁ ତାଇକେନା । ୨୪ ଖ୍ରୀଷ୍ଟଆଃ ହିନିଜୁଃ ଜାକେଦ୍ ଆନ୍ତରୁ ଆରୁଆଃ ଇତୁନିଃ ଲେକା ତାଇକେନା । ମେନ୍ଦ୍ ଏନ୍ ତାୟମ୍ତେ ବିଶ୍ଵାସ ହରାତେ ଏସ୍କାର୍ ଆରୁ ପାରମେଶ୍ଵାର୍ଆଃ ଆୟାର୍ରେ ଧାର୍ମାନି ଲେକାବୁ ହବାଅଃଆ । ୨୫ ନାହାଃ ବିଶ୍ଵାସରେୟାଃ ଦିପିଲି ସେଟେରକାନା, ଆରୁ ଆନ୍ତରୁରେୟାଃ ଆକ୍ତେୟାର୍ରେ ଆଡଃ ବାଜ୍ବୁଆ ।

୨୭ ବିଶ୍ୱାସ ହରାତେ ଖ୍ରୀଷ୍ଟ ଯୀଶୁଲକ୍ଷ୍ୟ ମେସାକେଦ୍‌ତେ ଆପେ ପାରମେଶ୍ୱାରରାଃ ହନ୍‌କପେ ହବାକାନା । ୨୭ ଚିଆଃଚି ଆପେ ବାପ୍ତିସ୍ମାୟାନ ହରାତେ ଖ୍ରୀଷ୍ଟଲକ୍ଷ୍ୟ ମିଦକାନାପେ ଆତଃ ନାହାଁଃ ଯୀଶୁ ଖ୍ରୀଷ୍ଟଆଃ ଜୀଦାନ ଲେକାନ ଲିଜାଃ ତୁସିଙ୍ଗକାନାପେ । ୨୮ ଏନାମେନ୍ତେ ଯିହୁଦୀ ଆତଃ ସାଅଁସାର୍ ହଡ଼, କିରିଙ୍ଗ୍‌ୟାକାନ ଦାସି ଆତଃ ରାଡ଼ାକାନ ହଡ଼କ, କଡ଼ା ଆତଃ କୁଡ଼ି ଆଲାରେ ଆତଃ ଜେତାନ ଭେଦଭାବ୍ ବାନଃଆ । ଆପେ ସବେନ୍‌କ ଯୀଶୁ ଖ୍ରୀଷ୍ଟଲକ୍ଷ୍ୟ ମେସାକେଦ୍‌ତେ ମିଦକାନାପେ । ୨୯ ✱ଆପେ ଖ୍ରୀଷ୍ଟଆଃ ତାନପେରେଦ, ଆପେୟଗି ଆବ୍ରାହାମ୍‌ଆଃ କିଲିକ ତାନପେ ଆତଃ ପାରମେଶ୍ୱାର୍ ଅକଆଃ ବାନାର୍‌ସା ଏନାକାଦାଏ, ଏନା ନାମେୟାଃପେ ।

୪

ହନ୍ ଆତଃ ହାନାଟିଙ୍ଗ୍ ନାମେନିଃ

୧ ମେନ୍‌ଦ ଆଇଙ୍ଗ୍ ଆପେକେଇଙ୍ଗ୍ କାଜିପେତାନା, ହନ୍ ଆପୁଆଃ ସବେନ୍ ହାନାଟିଙ୍ଗ୍ ନାମେନିଃ ତାନିଃ, ମେନ୍‌ଦ ସବେନ୍ ବିଷାଏରେୟାଃ ହାନାଟିଙ୍ଗ୍ ନାମେନିଃ ତାନିଃରେୟଗି, ଇନିଃ ସିଟିଆଗି ମେନାଇ ହରାତେ, କିରିଙ୍ଗ୍‌ୟାକାନ ଦାସି ଲେକାଏ ତାଇନା । ୨ ସିଟିଆ ତାଇକାନ ଦିପିଲିରେ, ଆୟାଃ ଆପୁଆଃ ସାଲାକାନ ନେତା ଜାକେଦ୍ ଇନିଃ ଖାଜାନଚିରାଃ ଆକ୍‌ତେୟାର୍‌ରେ ତାଇନାଃ ଆତଃ ସବେନ୍ ବିଷାଏରେ ଇନିଃକେ ଦେଙ୍ଗାଇୟାକ । ୩ ଏନ୍‌ଲେକାଗି ଆବୁହ୍ ଆମିକ୍ ଲେକାତେ ସେପେଡ଼େଦ୍ ହବାଅଃ ସିଦାରେ, ଅତେଦିଶୁମ୍‌ରେ ଆକ୍‌ତେୟାରେତାନ ପେଡ଼େଃରେୟାଃ ଏନେଟେଦ୍ ବିଷାଏରେୟାଃ କିରିଙ୍ଗ୍‌ୟାକାନ ଦାସି ତାଇକେନାବୁ । ୪ ମେନ୍‌ଦ ତୁଣ୍ଡୁରେ ଚିମ୍‌ତା ଠାଉକା ନେତା ସେଟେର୍‌ୟାନା ଇମ୍‌ତା ପାରମେଶ୍ୱାର୍ ଆୟାଃ ହନ୍‌କେ କୁଲକିୟା, ମିଆଁଦ୍ ତିଣ୍ଡା କୁଡ଼ିଆଃ ହରାତେ ଇନିଃ ଜାନାମ୍ ଇଦିକେଦ୍‌ତେ ଯିହୁଦୀକଆଃ ଆନ୍‌ରୁ ଲେକାତେ ଜୀଦାନ ବିତାଅକେଦାଏ । ୫ ✱ଜେ'ଲେକାଚି ଇନିଃ ଲାଗାତିଙ୍ଗ୍ ଗନଙ୍ଗ୍ ଏମ୍‌କେଦ୍‌ତେ ଏନ୍ ଆନ୍‌ରୁରେୟାଃ ତନଲ୍‌ହେତେ ହଡ଼କକେ ରାଡ଼ାନାଙ୍ଗ୍ ଆତଃ ଇନ୍‌କୁକେ ପାରମେଶ୍ୱାର୍‌ଆଃ ହନ୍

✱ ୩:୨୯ ୩:୨୯ ରୋମି ୪:୧୩. ✱ ୪:୫ ୪:୫ ରୋମି ୮:୧୫-୧୭.

ହବାଅଃନାଙ୍ଗ୍ ସୁଯୋଗ୍ ଏମ୍ରେୟାଃ ଆୟାଃ ଜୀଦାନରେ ଉଦ୍ଦେଶ୍ ତାଇକେନା ।

୬ ଆପେ ପାର୍ମେଶ୍ୱାର୍ ଆଃ ହନ୍କ ତାନ୍ପେ, ଏନା ଉଦୁବେ ନାଗେନ୍ତେ ପାର୍ମେଶ୍ୱାର୍ ଆୟାଃ ହନ୍ଆଃ ପାବିତାର୍ ଆମ୍ବାକେ ଆବୁଆଃ ମନ୍ସୁରୁଦ୍ତେ କୁଲ୍କିୟା, ଏନ୍ ପାବିତାର୍ ଆମ୍ବା “ଆବା ! ହେ ଆଇଁୟାଃ ଆବା ।” ମେନ୍ତେ କାଉରିତାନଲ୍ଲଃ କାଜିତାନା । ୭ ଏନାମେନ୍ତେ ଆପେ କିରିଙ୍ଗ୍‌ୟାକାନ୍ ଦାସି ନାହାଁଲାଃପେ, ହନ୍ ତାନ୍ପେ । ଆପେ ଇନିୟାଃ ହନ୍କ ହବାୟାନ୍ତେ, ପାର୍ମେଶ୍ୱାର୍ ଆୟାଃ ହନ୍କ ନାଗେନ୍ତେ ଅକ ସବେନାଃ ଦହକାଦାଏ, ଏନାକେ ଆପେ ସବେନ୍କକେ ଏମାପେୟା ।

ଗାଳାତିୟ ବିଶ୍ୱାସୀକ ନାଗେନ୍ତେ ପାଉଲୁସ୍‌ଆଃ ଉଡ଼ୁ

୮ ସିଦା ଦିପିଲିରେ ଆପେ ପାର୍ମେଶ୍ୱାର୍‌କେ କାପେ ସାରିକାଇ ତାଇକେନା, ଏନାମେନ୍ତେ ଅକନ୍କ ସାର୍ତ୍ତି ପାର୍ମେଶ୍ୱାର୍ ନାହାଁଲାକ, ଏନ୍‌ଲେକାନ୍ ହସଡ୍ ମାହାପୁରୁକଆଃ ଦାସିପେ ତାଇକେନା । ୯ ମେନ୍ଦ୍ ନାହାଁଃ ଆପେ ପାର୍ମେଶ୍ୱାର୍‌କେ ସାରିକାଇଜାଃପେ, ଏନାତେ ଆଇଙ୍ଗ୍ କାଜିୟାଇଙ୍ଗ୍, ନାହାଁଃ ପାର୍ମେଶ୍ୱାର୍ ଆପେକେ ସାରିକାଦ୍‌ପେୟା । ତାବ୍‌ଦ ନେଆଁ ଚିଲ୍‌କା ହବାସାକାଅଆଃ ଯେ, ଆପେ ଆଡ଼ଃମିସା ଏନେଟେଦ୍ ବିଷାଏରେୟାଃ କା ପେଡ୍‌ୟାନ୍, ଗର୍ଗରାଗି ନେଲ୍‌ତାନ୍ ମାହାପୁରୁକତାଃତେ ରୁହାଡ୍ ନାଗେନ୍ତେ ସାନାଙ୍ଗ୍‌ତାନାପେ ? ଆପେ ଚିନାଃମେନ୍ତେ ଆଡ଼ଃମିସା ଇନ୍‌କୁଆଃ କିରିଙ୍ଗ୍‌ୟାକାନ୍ ଦାସି ହବାଅଃ ନାଗେନ୍ତେପେ ସାନାଙ୍ଗ୍‌ତାନା ? ୧୦ ଆପେ ସବେନ୍କ ବିଶେଷ୍ ବିଶେଷ୍ ହୁଲାଙ୍ଗ୍, ମାହଁନା, ପାରାବ୍, ଆଡ଼ଃ ବାରାଷ୍‌କକେପେ ମାନାତିଙ୍ଗ୍‌ତାନା । ୧୧ ଆଇଙ୍ଗ୍ ଆପେୟାଃ ନାଗେନ୍ତେ ଅକଆଃ କାମିକାଦାଇଙ୍ଗ୍, ଏନା ସାମା ଏଣ୍ଡାଗଃଆ ମେନ୍ତେ ଆଇଁୟାଃ ବର ମେନାଃ ।

୧୨ ହେ ହାଗା ମିଶିକ୍, ଆଇଙ୍ଗ୍ ଆପେକେଇଙ୍ଗ୍ ବିକ୍ରିପେତାନା, ଆପେ ସବେନ୍କ ଆଇଁୟାଃ ଲେକା ହବାଅଃପେ । ଆଇଙ୍ଗ୍ ଆପେ ଲେକାଇଙ୍ଗ୍ ହବାକାନା ଆଡ଼ଃ ଆପେ ଆଇଁୟାଃ ନାଙ୍ଗ୍ ଜେତାନ୍ ଏଡ଼କାନାଃ କାପେ ରିକାକାଦା । ୧୩ ଆଇଙ୍ଗ୍ ବେମାର୍ ତାଇକେନ୍ ଇମ୍‌ତା ଆପେତାଃରେ ପାହିଲାତେ ସୁକୁକାଜିଇଙ୍ଗ୍

ଉଦ୍‌ବକାଦ୍ ତାଇକେନା, ଏନା ପାହାମେପେ । ^{୧୪} ମେନ୍‌ଦ ଆଇଁୟାଃ ବେମାର୍ ଆପେୟାଃ ନାଗେନ୍ତେ ଖୁସରାଃ କାଜି ହବାକାନ୍‌ରେୟାରି, ଆପେ ଆଇଙ୍ଗକେ କାପେ ହିଲାଙ୍ଗକେଦିୟାଁ ଚାଏ କାପେ ବାରିକେଦିୟାଁ । ମେନ୍‌ଦ ଆପେ ଆଇଙ୍ଗକେ ପାରମେଶ୍ୱାର୍‌ଆଃ ମିଆଁଦ୍ ଦୁଁଡ୍ ଲେକାପେ ଦାରମ୍‌କେଦିୟାଁ । ଖ୍ରୀଷ୍ଟ୍ ଯୀଶୁକେ ଆପେ ଜେ'ଲେକା ଦାରମ୍ କାଇତେୟାଃପେ, ଏନ୍‌ଲେକାଗି ଆଇଙ୍ଗକେୟାରି ଦାରମ୍‌କାଇଙ୍ଗ୍ ତାଇକେନାପେ । ^{୧୫} ଇମ୍‌ତା ଆପେ ଚିମିନ୍ ରାସ୍‌କାକାନ୍ ତାଇକେନାପେ ! ମେନ୍‌ଦ ନାହାଁଃ ଚିନାଃ ହବାୟାନା ? ଆଇଙ୍ଗ୍ ଆପେୟାଃ ବିଷାଏରେ ଗାଞ୍ଜା ଏମ୍‌ତାନାଇଙ୍ଗ୍ ଚି, ହବାସାକାଅକାନ୍‌ରେ, ଆପେୟାଃ ସବେନାଃଏତେ ଗନଙ୍ଗ୍‌ଆଁନ୍ ବିଷାଏ ଆସିକାପେରେୟାରି, ଆପେ ଏମାକାଇଙ୍ଗ୍ ତେୟାଃପେ । ^{୧୬} ମେନ୍‌ଦ ନାହାଁଃ ଆଇଙ୍ଗ୍ ଆପେକେ ସାର୍‌ତି କାଜିକାଦ୍ ହରାତେ ଚିନାଃ ଆପେୟାଃ ବାଇରି ହବାଅଃତାନାଇଙ୍ଗ୍ ?

^{୧୭} ଏନ୍ ଏଟାଃ ହଡକ ଆପେୟାଃ ବୁଗିନାଃ ନାଗେନ୍ତେ ପୁରାଃଗି ଚିହୁଲାନ୍ ଲେକା ଉଦ୍‌ବେନ୍‌ତାନାକ । ମେନ୍‌ଦ ନେଆଁରେ ଇନ୍‌କୁଆଃ ସାର୍‌ତି ଉଦ୍‌ବେଶ୍ ବାନଃଆ । ଇନ୍‌କୁଆଃ ମିଆଁଦ୍‌ଗି ସାନାଙ୍ଗ୍‌ତାନାଃ ଯେ, ଆପେ ଚିଲ୍‌କା ଆଇଁୟାଃତାଃଏତେ ରୁହାଡ୍‌କେଦ୍‌ତେ ଆକରେ ମନ୍ ଏମେୟାଃପେ । ^{୧୮} ବୁଗିନ୍ ଉଦ୍‌ବେଶ୍ ନାଗେନ୍ତେ ଚିହୁଲଃତେୟାଃ ଠାଉକାଗିୟା । ଆଇଙ୍ଗ୍ ଆପେଲଃ ତାଇକାନ୍ ଇମ୍‌ତା ଏସ୍‌କାର୍ କାହାଗି, ମେନ୍‌ଦ ସବେନ୍ ଇମ୍‌ତା ଆପେ ନେ ଠାଉକାନ୍‌ତେୟାଃ ରିକା ଲାଗାତିଙ୍ଗ୍‌ୟାଃ । ^{୧୯} ଏ ଆଇଁୟାଃ ଦୁଲାଡ୍ ହନ୍‌କ, ଆପେକେ ଖ୍ରୀଷ୍ଟ୍ ଲେକା ବାଇ ନାଗେନ୍ତେ ଆଇଙ୍ଗ୍ ଆତଃମିସା ହନ୍ ଜାନାମଃ ଇମ୍‌ତାରେୟାଃ ଦୁକୁ ଲେକାଇଙ୍ଗ୍ ଆଟ୍‌କାରେତାନା । ^{୨୦} ଆଇଙ୍ଗ୍ ନାହାଁଃ ଆପେତାଃରେଇଙ୍ଗ୍ ତାଇନ୍‌କାନ୍‌ରେ, ଆପେୟାଃ ବିଷାଏରେ ଆଇଙ୍ଗ୍ ଏଟାଃ ଲେକାଇଙ୍ଗ୍ କାଜି ଦାଡିତେୟାଃ ମେନ୍ତେ ଆଇଁୟାଃ ସାନାଙ୍ଗ୍ । ଚିୟାଃଚି ଆଇଙ୍ଗ୍ ଆପେ ନାଗେନ୍ତେ ପୁରାଃଗିଇଙ୍ଗ୍ ପାହାମ୍‌ତାନା ।

ହାଗାର୍ ଆତଃ ସାରାରାଃ ନାମୁନା

^{୨୧} ଅକନ୍‌କ ଆନ୍‌ରୁରେୟାଃ ଆକ୍‌ତେୟାର୍‌ରେ ତାଇନଃ ନାଙ୍ଗ୍ ସାନାଙ୍ଗ୍‌ଆଃକ, ଆଇଙ୍ଗ୍ ଇନ୍‌କୁକେ କୁଲି ନାଗେନ୍ତେଇଙ୍ଗ୍

ସାନାଙ୍ଗତାନା, ଆନୁରୁରେ ଚିନାଃ ଅଲ୍ଲାନାନା, ଏନା କାପେଚି ସାରିକାଦା ? ^{୨୭} ଧାରାମ୍ପୁଥିରେ ଅଲ୍ଲାନାନା, ଆବ୍ରାହାମଆଃ ବାରିୟା ହନ୍ ତାଇକେନାକିନ୍, ମିଆଁଦ୍ କାମ୍ଡି କୁଡ଼ିରାଃ ହନ୍ ଏନ୍ତେ ଆଡ଼ମିଆଁଦ୍ନିଃ ଆୟାଃ କୁଡ଼ିତେୟାଃ ହନ୍ । ^{୨୮} କାମ୍ଡି କୁଡ଼ିଆଃ ହନ୍, ହଡ଼ମଲେକାତେ ଜାନାମୟାନା, ମେନ୍ଦ୍ ଆୟାଃଲଃ ଆଣ୍ଡିକାନ୍ କୁଡ଼ିଆଃ ହନ୍, ପାର୍ମେଶ୍ଵାର୍ଆଃ ବାନାର୍ସା କାଜି ଲେକାତେ ଜାନାମୟାନା । ^{୨୯} ନେଆଁ ମିଆଁଦ୍ ଜନ୍କା ଲେକା କାଜିୟଃଆ । ନେ ବାରାନ୍ କୁଡ଼ିକିନ୍ ବାରିୟା ରାଜିନାମାକାଦ୍ ଲେକାନ୍କିନ୍ ତାନ୍କିନ୍ । ମିଆଁଦ୍ ରାଜିନାମା ସିନାଇ ବୁରୁତାଃରେ ହବାକାନ୍ ତାଇକେନା । ନେ ରାଜିନାମା ଉଦେଶ୍ରେ ଅକ ହଡ଼କ ଜାନାମଃଆକ, ଇନ୍କୁ କିରିଙ୍ଗ୍ୟାକାନ୍ ଦାସି ଲେକା ତାନ୍କ । ହାଗାର୍ ନେ ରାଜିନାମାରେୟାଃ ଚିହ୍ନାଁ ଲେକାନ୍ନିଃ ତାନିଃ । ^{୩୦} ହାଗାର୍ ମେନ୍ଲେରେ ଆରବ୍ ଦିଶୁମ୍ରେ ତାଇନ୍ତାନ୍ ସିନାଇ ବୁରୁକେ କାଜିୟାଃକ, ଆଡ଼ ଏନା ନାହାଁଃରେୟାଃ ଯୀରୁଶାଲେମ୍ ନାଗାର୍ ଲେକା ତାନା । ହାଗାର୍ ଲେକା ଯୀରୁଶାଲେମ୍ ଆଡ଼ ଆୟାଃ ହଡ଼କ ନାହାଁଃ କିରିଙ୍ଗ୍ୟାକାନ୍ ଦାସିରେୟାଃ ତନଲ୍ରେକ ତଲ୍ଲାନାନା । ^{୩୧} ମେନ୍ଦ୍ ସିର୍ମାରେୟାଃ ଯୀରୁଶାଲେମ୍ ରାଡ଼ାକାନା ଆଡ଼ ଏନା ଆବୁଆଃ ଏଙ୍ଗା ତାନିଃ । ^{୩୨} ଚିୟାଃଚି ଧାରାମ୍ପୁଥିରେ ଅଲ୍ଲାନାନା, “ହେ ଟଣିର୍ କୁଡ଼ି, ଆମ୍ ରାସ୍କାଅଃମେ, ହନ୍ ଜାନାମ୍ ହବାଅଃ ଇମ୍ତାରେୟାଃ ଦୁକୁ ଚିତ୍ତଲ୍ଆ କାମ୍ ଆଟ୍କାରକାଦ୍ରେହ୍, ପୁରାଃଗି ରାସ୍କାତେ କାଉରିମେ । ଚିୟାଃଚି କଡ଼ାଲଃ ତାଇନ୍ତାନ୍ କୁଡ଼ିଏତେ ମିଆଁଦ୍ ସାଙ୍ଗିନାକାନ୍ କୁଡ଼ିରାଃ ହନ୍କ ପୁରାଃଗି ହବାଅଃଆକ ।”

^{୨୮} ହେ ହାଗା ମିଶିକ, ଆପେ ସବେନ୍କ ଇସାକ୍ ଲେକାଗି ନାହାଁଃଦ୍ ପାର୍ମେଶ୍ଵାର୍ଆଃ ବାନାର୍ସା ଏମାକାନ୍ ହନ୍କ ତାନ୍ପେ । ^{୨୯} ମୁସିଙ୍ଗ୍ ହଡ଼ମରେୟାଃ ସଭାବ୍ ଲେକାତେ ଜାନାମାକାନ୍ ହନ୍, ପାର୍ମେଶ୍ଵାର୍ଆଃ ଆମ୍ତେ ଜାନାମାକାନ୍ ହନ୍କେ ସାସାତିକିୟାଏ । ଏନ୍ଲେକାଗି ନାହାଁଃହ୍ ହବାଅଃତାନା । ^{୩୦} ମେନ୍ଦ୍ ନେ ବିଷାଏରେ ଧାରାମ୍ପୁଥି ଚିନାଃଏ କାଜିତାନା ? ଏନାରେ ଅଲ୍ଲାନାନା, “କାମ୍ଡି କୁଡ଼ିକେ ଆଡ଼ ଇନିୟାଃ ହନ୍କେ ସାଙ୍ଗିନ୍କିନ୍ପେ, ଚିୟାଃଚି ଆଣ୍ଡିୟାକାନ୍ କୁଡ଼ିରାଃ ହନ୍ଲଃ କାମ୍ଡି କୁଡ଼ିରାଃ ହନ୍ ଆପୁଆଃ

ଖୁଜିରେ ଜେତାନ୍ ହିସା କାଏ ନାମେୟା ।”^{୩୧} ଏନାମେନ୍ତେ ହେ ହାଗା ମିଶିକ, ଆରୁ କାମଡ଼ି କୁଡ଼ିଆଃ ହନକ ନାହାଁଲାବୁ, ମେନ୍ଦ ଆଶ୍‌ଦିୟାକାନ୍ କୁଡ଼ିରାଃ ହନକ ତାନ୍‌ବୁ ।

୫

ଆପେୟାଃ ତନଲ୍‌ହେତେ ରାଡ଼ାକାନ୍‌ତେୟାଃକେ ବାଞ୍ଚାଏପେ

^୧ ଆରୁ ତନଲ୍‌ହେତେ ରାଡ଼ାକାନାରୁ । ଖ୍ରୀଷ୍ଟ ଆରୁକେ ତନଲ୍‌ହେତେ ରାଡ଼ାକାନ୍‌ବୁଆ । ଏନାମେନ୍ତେ ଆପେ ତନଲ୍‌ହେତେ ରାଡ଼ାକାନ୍‌ତେୟାଃରେ ସାବ୍‌କେଟେଦ୍‌କେଦ୍‌ତେ ତାଇନ୍‌ପେ । ଆଡ଼ଃମିସା କିରିଙ୍ଗ୍‌ୟାକାନ୍ ଦାସି ଲେକା ଆଡ଼ନାରେ ତଲ୍‌ଃ ନାଗେନ୍ତେ ଆଲ୍‌ପେ ରୁହାଡ଼ା ।

^୨ ଆଇଙ୍ଗ୍ ପାଉଲ୍‌ସ୍, ଅକଆଃ କାଜିତାନାଇଙ୍ଗ୍ ଏନା ଆୟୁମେପେ, ଆପେ ଖାଡ଼ନାଅ ରିଡ଼ିରିଞ୍ଜାନ୍ ମାନାତିଙ୍ଗ୍‌ତାନ୍ ରେଦ, ଏନାରେୟାଃ ମୁଣ୍ଡି ହବାଅଃଆ, ଆପେ ନାଗେନ୍ତେ ଖ୍ରୀଷ୍ଟଆଃ ଜେତାନ୍ ଲାଗାତିଙ୍ଗ୍ ବାନଃଆ ।^୩ ଆଇଙ୍ଗ୍ ଖାଡ଼ନାଅ ରିକାଅଃତାନ୍ ମିପିଆଦ୍ ହଡ଼କେ ଆଡ଼ଃମିସା ଚେତାଏ ଏମାଇ ତାନାଇଙ୍ଗ୍ ଯେ, ମୁଣା ଏମାକାଦ୍ ଆନ୍‌ବୁକେ ପୁରା ମାନାତିଙ୍ଗ୍ ଲାଗାତିଙ୍ଗ୍‌ୟାଃ ।^୪ ଆପେକଏତେ ଅକନ୍‌କ ଆନ୍‌ବୁ ମାନାତିଙ୍ଗ୍ ହରାତେ ପାର୍‌ମେଶ୍‌ବାର୍‌ଆଃ ଆୟାରରେ ଧାର୍‌ମାନ୍ ହବାଅଃ ନାଗେନ୍ତେକ ସାନାଙ୍ଗ୍‌ତାନା, ଇନ୍‌କୁ ଆପାନ୍‌କେ ଖ୍ରୀଷ୍ଟତାଃଏତେ ବିନ୍‌ଗାଅକାନାକ, ଇନ୍‌କୁ ପାର୍‌ମେଶ୍‌ବାର୍‌ଆଃ ସାୟାଦ୍‌ହେତେ ସାଙ୍ଗିନ୍‌କାନାକ ।^୫ ମେନ୍ଦ ଆରୁ ଆସ୍ରାଏତାନାରୁ ଯେ, ପାର୍‌ମେଶ୍‌ବାର୍‌ ଆରୁକେ ଆୟାଃ ନେପେଲ୍‌ରେ ଧାର୍‌ମାନ୍ ମେନ୍ତେ ଠାହାରାଅବୁଆ, ଆରୁଆଃ ବିଶ୍ୱାସ୍‌ରେୟାଃ ଜ ଲେକାତେ ଆରୁଆଃ ମନ୍‌ସୁରୁଦ୍‌ରେ କାମି ରିକାତାନ୍ ପାବିତାର୍ ଆମ୍ବାରାଃ ପେଡ଼େଃ ହରାଡ଼େ, ନେ ସବେନାଃ ହବାଅଃଆ ମେନ୍ତେବୁ ନେଲ୍ ହରାତାନା ।^୬ ଚିୟାଃଟି ଯାଶୁ ଖ୍ରୀଷ୍ଟଲ୍‌ଃ ମେସାକେଦ୍‌ତେ ଜୀଦାନ୍ ବିତାଅରେଦ, ଖାଡ଼ନାଅ ଚାଏ କା ଖାଡ଼ନାଅରେୟାଃ ଜେତାନ୍ ଫାରାକ୍ କା ତାଇନାଃ । ମିଆଁଦ୍‌ଗି ଲାଗାତିଙ୍ଗ୍‌ତେୟାଃ ହବାଅଃତାନା, ବିଶ୍ୱାସ୍‌ରେ କେଟେଦ୍ ତାଇନ୍‌କେଦ୍‌ତେ ଦୁଲ୍‌ଲାଡ଼ରେ କାମିକେ ପୁରା ଦାଡ଼ିୟଃଆ ।

^୭ ଆପେଦ୍ ଆମ୍ବିକରେ ବୁଗିଲେକାପେ ସେସେନ୍ ତାଇକେନା, ସାର୍‌ଡ଼ି ହରାରେ ସେସେନ୍ ଇମ୍‌ତା ଅକଏ ଆପେକେ କାଜିକଟଙ୍ଗ୍

କେଦ୍‌ପେୟା ? 「ଆପେକେ କେଡ଼ାକାଦ୍‌ପେ ପାର୍‌ମେଶ୍ୱାର୍‌ଆଃ ହରାତେ ନେ ଉସ୍‌କୁର୍ କା ହବାକାନା । ୯୮ *କାଜିରେ ମେନାଃ, “ସିପୁଦାକାନ୍ ମାଏଦାକେ ମାଏ ନାଗେନ୍ତେ କାଟିଃ ଲେକାଗି ରାନ୍ନୁ ଲାଗାତିଙ୍ଗ୍‌ୟାଃ ।” ୧୦ ଏନା ଜାହାନାଃତେ ହବାଅଃକା, ନାହାଁଃ ଜାକେଦ୍ ଆପେତାଃରେ ଆଇଁୟାଃ ଆସ୍ତା ମେନାଃ, ଚିଆଃଟି ଆବୁ ସବେନ୍‌କ ପ୍ରାଭୁଲଃ ମେସାକାନାବୁ, ଆଇଁୟାଃ ପୁରାଃ କେଟେଦ୍ ବିଶ୍ୱାସ୍ ମେନାଃ ଯେ, ଆପେ ଜେତାଏ ଆଇଁୟାଃ କାଜିରାଃ ବିରୁଧ୍ କାପେ ରିକାଏୟା । ଆଡ଼ଃ ଅକ ହଡ଼ ଆପେକେ ବିନ୍‌ଗାଅପେ ତାନା, ଇନିଃ ଜେତାଏ ହବାଅଃରେୟଗି ପାର୍‌ମେଶ୍ୱାର୍ ଇନିଃକେ ସାଜାଇ ଏମାଇୟାଏ ।

୧୧ ମେନ୍‌ଦ ହେ ହାଗା ମିଶିକ, ଆଇଙ୍ଗ୍ ଡିସିଙ୍ଗ୍ ଜାକେଦ୍ ଖାଡ଼ନାଅ ବିଷାଏରେଇଙ୍ଗ୍ ଉଦୁବେତାନରେଦ, ଚିନାଃ ମେନ୍ତେଇଙ୍ଗ୍ ସିଗିଦଃତାନା ? ତାବ୍‌ଦ ଖ୍ରୀଷ୍ଟ୍‌ଆଃ କୁର୍ ବିଷାଏରେ ଉଦୁବ୍‌ତେୟାଃ ତହଦଃରାଃ କାଜି ନାହାଁଲାଃ । ୧୨ ଆଇଙ୍ଗ୍ ସାନାଙ୍ଗ୍ ତାନାଇଙ୍ଗ୍, ନେ ବିଷାଏରେ ଅକନ୍‌କ ଆପେକେ କାଜିକଟଙ୍ଗ୍‌ପେ ତାନାକ, ଇନ୍‌କୁ ଆଡ଼ଃକାଟିଃ ଆୟାର୍‌ରଃକାକ ଆଡ଼ଃ କା ଖାଡ଼ନାଅକେଦ୍‌ତେ ପୁରାଗି କା ପେଡେୟାନ୍ ହବାକାନ୍ ରେଦ ବୁଗିନ୍ ହବାକାନ୍‌ତେୟାଃ ।

୧୩ ହେ ହାଗା ମିଶିକ, ଆପେଦ ତନଲ୍‌ହେତେ ରାଡ଼ାଅଃ ନାଗେନ୍ତେ କେଡ଼ାକାନ୍ ତାଇକେନାପେ । ମେନ୍‌ଦ ଚିର୍ଗାଲାକାନ୍‌ପେ, ଆପେୟାଃ ହଡ଼ମରେୟାଃ ସାନାଙ୍ଗ୍‌କେ ଏସ୍‌କାର୍ ପୁରାଏ ନାଗେନ୍ତେ ଏନ୍ ତନଲ୍ ରାଡ଼ାକାନ୍‌ତେୟାଃକେ ସୁଯୋଗ୍ ଲେକା ଆଲପେ ବେଭାର୍‌ରେୟା । ମେନ୍‌ଦ ଦୁଲାଡ଼୍‌ତେ ସେସେନ୍‌କେଦ୍‌ତେ ଆପେ ମିହୁଡ଼୍ ଆଡ଼ଃମିହୁଡ଼୍‌ରାଃ ସେଞ୍ଜାଏପେ । ୧୪ ଚିୟାଃଟି ମିଆଁଦଗି ଆନ୍‌ତୁରେ ସବେନ୍ ଆନାଚୁ ପୁରାଅଃତାନା, “ଆମାଃ ହୋପର୍‌ଜାପାଃନିଃକେ ଆପ୍‌ନାଃ ଲେକା ଦୁଲାଡ଼ିମେ ।” ୧୫ ମେନ୍‌ଦ ଆପେ ଜାଁତୁକ ଲେକା ଚାଇଲ୍ ଚାଲାନ୍ ତାନ୍‌ଲଃ ମିହୁଡ଼୍ ଆଡ଼ଃମିହୁଡ଼୍‌ଆଃ ହାନି ଆଡ଼ଃ ନକ୍‌ସାନ୍ କାମିକ ରିକାଏତାନରେଦ, ଚିର୍ଗାଲାକାନ୍ ତାଇନ୍‌ପେ, କା'ରେଦ ହବାସାକାଅଆଃ ଆପେ ମିହୁଡ଼୍ ଆଡ଼ଃମିହୁଡ଼୍‌ଆଃ ପୁରା ଜିୟନ୍ ରିକାଏଆପେ ।

☆ ୫:୯ ୫:୯ ୧ କରିକ୍ତିୟ ୫:୭.

ପାବିତାର ଆତ୍ମା ଆଡ଼଼ ମାନସାରା଼ ସଭାବ୍

^{୧୭} ଆଇଙ୍ଗ୍ କାଜିତାନ୍ତେୟା଼ ହବାଅ଼ତାନା, ପାବିତାର ଆତ୍ମା ଆପେୟା଼ ଜୀଦାନ୍ତେ ଆୟାର୍ତେ ଚାଲାଅଇଦିକା । ତାବ୍ଦ ଆପେ ହଡ଼ମରେୟା଼ ପାପ୍ ସଭାବ୍କେ କାପେ ପୁରାଏୟା । ^{୧୭} ✧ମାନସାରା଼ ସଭାବ୍ ପାବିତାର ଆତ୍ମାରା଼ ବିରୁଧ୍ ତାନା଼, ଏନ୍ ଲେକାଗି ପାବିତାର ଆତ୍ମାରେୟା଼ ଇଛା ମାନସାରା଼ ବିରୁଧ୍ ତାନା଼ । ନେ ବାରାନ୍କିନ୍ ମିହୁଡ଼୍ ଆଡ଼଼ମିହୁଡ଼ରା଼ ବାଇରି ତାନ୍କିନ୍ । ଏନାତେ ଆପେ ଅକନା଼ ରିକା ନାଗେନ୍ତେ ସାନାଙ୍ଗ୍ତାନାପେ, ଏନା କାପେ ରିକା ଦାଡ଼ିୟା । ^{୧୮} ପାବିତାର ଆତ୍ମା ଆପେକେ ସୁତୁ଼଼ ଇଦିପେ ତାନ୍ରେଦ, ଆପେ ମୁଣା ଏମାକାଦ୍ ଆନ୍ତୁରା଼ ଆକ୍ତେୟାର୍ରେ ବାଙ୍ଗ୍ପେୟା ।

^{୧୯} ମାନସା ସଭାବ୍ରେୟା଼ କାଜିକାମି ସବେନ୍ ହଡ଼କ ସାରିତାନା । ଏନା ହବାଅ଼ତାନା, ଆପାଙ୍ଗ୍ଗିର୍ କାମି, ସଡ଼ରା କାମି, ଏଡ଼କାନ୍ ରିଜରାଙ୍ଗ୍, ^{୨୦} ମୁରୁଡ଼୍ ସେଖା, ଦେଅଁଣା କାମି, ବାଇରି ଆଡ଼଼ କାପ୍ଜି, ହିସ୍ଜା, ଖ୍ସ୍, ଆପ୍ନା଼ ନାଙ୍ଗ୍ ଏସ୍କାର୍ ଉଡ଼଼୍, ଝୁଣ୍ଡକକେ ବିନ୍ଗାଅ, ^{୨୧} ଆଡ଼଼ ହିସ୍ଜା, ଇଲିଆରଖ୍ ନୁଁ, ରିଜରାଙ୍ଗ୍, ଆଡ଼଼ ଏନ୍ଲେକା ଏଟା଼ ଏଟା଼ ଏଡ଼କାନ୍ କାମିରେ ତାଇନା଼କ । ଆଇଙ୍ଗ୍ ସିଦା ଲେକା ନାହାଁ଼ ହଗି ଆପେକେଇଙ୍ଗ୍ ଚିର୍ଗାଲ୍ପେ ତାନା । ଅକନ୍କ ନେ'ଲେକା କାମିକ କାମିୟା, ଇନ୍କୁ ପାର୍ମେଶ୍ୱାର୍ଆ଼ ରାଇଜ୍ରେ ଆକ୍ତେୟାର୍ କାକ ନାମେୟା ।

^{୨୨} ମେନ୍ଦ୍ ପାବିତାର ଆତ୍ମାରେୟା଼ ବାବ୍ଦାନ୍ ହବାଅ଼ତାନା, ଦୁଲାଡ଼, ରାସ୍କା, ଜୀଉସୁକୁ, ସାହାଡ଼ିଙ୍ଗ୍ ଜୀଖାନ୍, ଦାୟା, ବୁଗିନା଼, ପାଡ଼ିୟାର୍ରେ଼ ଲେକା, ^{୨୩} ଲେବେ଼ ମନ୍, ଆଡ଼଼ ଆପାନ୍କେ ଆବ୍ରେ ଦହ, ନେ ସବେନା଼ରେ ଆନ୍ତୁରା଼ ଜେତାନ୍ ବିରୁଧ୍ ବାନଆ଼ । ^{୨୪} ଅକନ୍କ ଯୀଶୁ ଖ୍ରୀଷ୍ଟ୍ଆ଼ ତାନ୍କ, ଇନ୍କୁ ସବେନ୍ ଲାଲାର୍ ଆଡ଼଼ ହଡ଼ମରା଼ ଏଡ଼କାନ୍ ସାନାଙ୍ଗ୍ ମାନସାରା଼ ସଭାବ୍କେ କୁଣ୍ରେ କିଲାକାଦାକ । ^{୨୫} ପାବିତାର ଆତ୍ମା ଆବୁକେ ଜୀଦାନ୍ ଏମାକାଦ୍ବୁଆଏ, ଇନି଼ ଆବୁଆ଼ ଜୀଦାନ୍କେ ହଗି ସୁତୁ଼଼ଇଦିକାଏ । ^{୨୬} ଏନାମେନ୍ତେ ଆବୁ ଆପାନ୍କେ ମାରିଙ୍ଗ୍ ମେନ୍ତେ କାଜିନ୍ ଚାଏ ଏଟା଼କକେ ଖ୍ସ୍ ଚାଏ ଏଟା଼କକେ ହିସ୍ଜା ଆବୁକେ ରିକା କା ଲାଗାଡ଼ିଙ୍ଗ୍ୟା଼ ।

✧ ୫:୧୭ ୫:୧୭ ରୋମି ୭:୧୫-୨୩.



ମିଛୁଡ଼ିଆଡ଼଼ମିଛୁଡ଼ିଆ ବାହାରମ୍ ଗଗେକାବୁ ।

^୧ ହେ ହାଗା ମିଶିକ, ଜେତାଏ ଜେତାନ୍ ଗୁଣ୍ଠା କାମିରେ ସାବଃରେଦ, ଆପେକଏତେ ଅକନ୍କ ଆମ୍ରେ ସେସେନ୍ ତାନାକ, ଇନ୍କୁ ଇନିଃକେ ସୁଧରାଅ ଲାଗାତିଙ୍ଗିୟାଃ, ମେନ୍ଦ ଆପେକେ ନେ କାମି ଲାଗୁଃକେଦତେ, ଲେବେଃ ମନ୍ତେ ରିକା ଲାଗାତିଙ୍ଗିୟାଃ । ଆଡ଼଼ ଚିର୍ଗାଲାକାନ୍ଦେ, ଅକଏସାରି ଏନ୍ ଲେକା କାମି ରିକା ନାଗେନ୍ତେ ଆପେ ଆପେଗି ବିନିଡ଼ାଅରେ ଉୟୁଃ ସାକାଅଃଆପେ । ^୨ ମିଛୁଡ଼ିଆଡ଼଼ମିଛୁଡ଼ିଆ ବାହାରମ୍ ଗଅଃ ନାଗେନ୍ତେ ଦେଙ୍ଗାଅଃପେ, ଏନ୍ଲେକା ରିକା ହରାତେ ଆପେ ସବେନ୍କ ଖ୍ରୀଷ୍ଟାଃ ଆନ୍ତୁକେପେ ମାନାତିୟେଆ । ^୩ ଜେତାଏ ହଡ଼ ବେଗାର୍ ସାରିକେଦତେ ସାରିକାଦିଙ୍ଗି ମେନ୍ତେ କାଜିନିଃ ଆପାନ୍କେଗି ବେଦାନ୍ତାନା । ^୪ ଆପେ ସବେନ୍କ ଆପ୍ନାଃ ଆପ୍ନାଃ ଚାଇଲ୍ ଚାଇଲ୍ କେ ବିଚାରକେଦତେ ଆବ୍କାର୍ତ୍ତରୁମ୍ ଲାଗାତିୟା । ଏନା ବୁଗିନାଃତାନାଃ ରେଦ, ଏନା ନାଗେନ୍ତେ ଆପାନ୍କେ ମାରାଙ୍ଗ୍ ମେନ୍ତେ କାଜିନ୍କାଏ ଆଡ଼଼ ଏଟାଃନିୟାଃ କାମିକେ ଆପାନ୍ନାଃ କାମିଲ୍ଠ ଜକାକେଦତେ ଇନିଃ ଆପାନ୍କେ ମାରାଙ୍ଗ୍ ମେନ୍ତେ ଆଲକାଏ କାଜିନ୍କା । ^୫ ଚିଆଃଚି ମିମିଆଦ୍ ହଡ଼କେ ଆପ୍ନାଃ ଆପ୍ନାଃ ବାହାରମ୍ ଗଅଃ ଲାଗାତିଙ୍ଗିୟାଃ ।

^୬ ଖ୍ରୀଷ୍ଟାଃ ସୁକୁକାଜି ଇତୁତାନ୍ ଇମ୍ତା ଇତୁନିଃକେ ଆପାନ୍ନାଃ ଲାଗାତିଙ୍ଗିୟାଃ ଲେକାନ୍ ସବେନ୍ ବୁଗିନ୍ ବିଷାଏରେ ଇନିଃକେ ହିସା ଏମ୍ ଲାଗାତିଙ୍ଗିୟାଃ ।

^୭ ଆପେ ଆପାନ୍କେ ଆଲପେ ବେଦାନାଃ, ପାର୍ମେଶ୍ଵାର୍ ବେଦାଅଃନିଃ ନାହାଁଲିଃ । ହଡ଼ହନ୍ ଅକଆଃ ହେରେୟାଏ ଏନାଗି ଇରେୟା । ^୮ ଅକ ହଡ଼ ଆପାନ୍ନାଃ ପାପ୍ରେୟାଃ ସଭାବ୍କେ ସୁକୁଇଚି ନାଗେନ୍ତେ ଲୟଙ୍ଗ୍ରେ ହିତାଏ ହେରେୟା, ଇନିଃ ଜିୟନଃରେୟାଃ ହିତାଏ ଇରେୟା । ମେନ୍ଦ ଜେତାଏ ପାବିତାର୍ ଆମ୍ରେକେ ସୁକୁଇଚି ନାଗେନ୍ତେ ଲୟଙ୍ଗ୍ରେ ହିତାଏ ହେରେୟା, ଇନିଃ ଆମ୍ପାତାଏତେ ଜାନାଅ ଜୀଦାନ୍ରେୟାଃ ହିତାଏ ଇରେୟା । ^୯ ଏନାମେନ୍ତେ ବୁଗିନ୍ କାମି ରିକା ନାଗେନ୍ତେ ଆଲକାବୁ ଲାଗାଅଃକା । ଚିୟାଃଚି ଏନାଏତେ

କା ଲାଗାନ୍ରେ, ଠାଉକାନ୍ ଦିପିଲିରେ ହିତାବୁ ଇର୍ ଦାଡ଼ିୟା ।
 ୧୦ ଏନାମେନ୍ତେ ଆବୁ ଚିମ୍ତା ସୁଯୋଗୁ ନାମେୟା, ଇମ୍ତା ଆବୁକେ
 ବୁଗିନ୍ କାମି ରିକା ଲାଗାତିଙ୍ଗୟା । ବିଶେଷକେଦ୍ଦେ ଅକନ୍କ
 ଆବୁଆଃ ବିଶ୍ୱାସୀ ଅଡ଼ାରେନ୍ ତାନ୍କ, ଇନ୍କୁଆଃ ବୁଗିନାଃ ରିକା
 ଲାଗାତିଙ୍ଗୟା ।

ରୁଣ୍ଡୁ ରୁଚେନେତାଅ କାଜି ଆଡ଼ଃ ଜହାର୍

୧୧ ନେଲେପେ, ଆଇଙ୍ଗ୍ ଚିମିନ୍ ମାରାଙ୍ଗ୍ ମାରାଙ୍ଗ୍ ଅନଲ୍ରେ
 ଆପେତାଃତେଇଙ୍ଗ୍ ଅଲ୍ଲକାଦା । ୧୨ ଅକନ୍କ ହଡ଼ମ୍ରେୟାଃ
 ବାହାରି ବିଷାଏରେ ଉଦୁବେନ୍ ତାନାକ ଆଡ଼ଃ ଆପ୍ନାଃ ମାନାରାଙ୍ଗ୍
 ରିକାତାନାକ, ଇନ୍କୁଗି ଆପେକେ ଖାଡ଼ନାଅଃପେ ମେନ୍ତେକ
 ଆରୁପେତାନା । ଇନ୍କୁ ଖ୍ରୀଷ୍ଟୁଆଃ କୁଣ୍ ନାଗେନ୍ତେ ସାସାତି କା
 ନାମେ ଉଦେଶ୍ରେ ଏନ୍ ଲେକା ରିକାତାନାକ । ୧୩ ଅକନ୍କ
 ଖାଡ଼ନାଅ ରିତିରିଖାଜକେ ମାନାତିଙ୍ଗ୍ତାନାକ, ଇନ୍କୁଗି ମୁଣାରାଃ
 ଆନ୍ରୁକେ କାକ ମାନାତିଙ୍ଗ୍ତାନା । ଆପେ ଖାଡ଼ନାଅଃପେ ମେନ୍ତେ
 ଇନ୍କୁ ସାନାଙ୍ଗ୍ତାନାକ । ମେନ୍ଦ୍ ନେ ହଡ଼ମ୍ରେୟାଃ ରିତିରିଖାଜକେ
 ମାନାତିଙ୍ଗ୍ ନାଗେନ୍ତେ ଆପେକେ ଆରୁ ଦାଡ଼ିପେରେଦ୍, ଇନ୍କୁ
 ଆପାନ୍କେ ମାରାଙ୍ଗ୍ ମେନ୍ତେକ କାଜିନ୍କା । ୧୪ ମେନ୍ଦ୍ ଆଇଙ୍ଗ୍
 ଏସ୍କାର୍ ଆବୁଆଃ ପ୍ରାଭୁ ଯାଶୁ ଖ୍ରୀଷ୍ଟୁଆଃ କୁଣ୍ ବିଷାଏରେ ଆପାନ୍କେ
 ମାରାଙ୍ଗ୍ ମେନ୍ତେଇଙ୍ଗ୍ କାଜିନ୍ତାନା; ଚିୟାଃଚି ଇନ୍ୟାଃ କୁଣ୍ ହରାଡ଼େ
 ଅତେଦିଶ୍ମ୍ ଆଇଁୟାଃ ନାଗେନ୍ତେ ଗଜାକାନା ଆଡ଼ଃ ଆଇଙ୍ଗ୍
 ଅତେଦିଶ୍ମ୍ ନାଗେନ୍ତେଇଙ୍ଗ୍ ଗଜାକାନା । ୧୫ ଅକଏ ଖାଡ଼ନାଅକାନ୍
 ଚାଏ କା ଖାଡ଼ନାଅକାନ୍, ଏନାରେ ଜେତାନ୍ କାଜି ବାନଃଆ, ମେନ୍ଦ୍
 ପାର୍ମେଶ୍ୱାର୍ ହରାଡ଼େ ନାଖା ବାଇରୁହାଡ଼ଃତେୟାଃ ଏସ୍କାର୍
 ବିଶେଷ କାଜିତାନାଃ । ୧୬ ଅକନ୍କ ଆପ୍ନାଃ ଜୀଞ୍ଜାନ୍ରେ ନେ
 ରିତିରିଖାଜକେ ମାନାତିଙ୍ଗ୍ତାନାକ, ଇନ୍କୁଆଃ ଚେତାନ୍ରେ ଆଡ଼ଃ
 ଇସ୍ତାଏଲ୍ ହଡ଼କଆଃ ଚେତାନ୍ରେ ପାର୍ମେଶ୍ୱାର୍ଆଃ ଜୀଉସୁକୁ ଆଡ଼ଃ
 ସାୟାଦ୍ ହବାଅଃକା ।

୧୭ ରୁଣ୍ଡୁରେ, ଆଇଙ୍ଗ୍ ନିମିନାଙ୍ଗ୍ କାଜି ସାନାଙ୍ଗ୍ତାନାଇଙ୍ଗ୍, ଜେତାଏ
 ଆଇଙ୍ଗ୍କେ ଆଲକାଏ ସିଗିଦିଙ୍ଗ୍କା । ଚିୟାଃଚି ଆଇଁୟାଃ ହଡ଼ମ୍ରେ

ଅକନ୍ ସାସାତିରାଃ ଘାଅକ ମେନାଃ, ଏନାତେ ସାରିୟଃତାନା ଯେ,
ଆଇଙ୍ଗ୍ ଯୀଶୁଆଃ କିରିଙ୍ଗ୍‌ୟାକାନ୍ ଦାସି ତାନିଙ୍ଗ୍ ।

^{୧୮} ହେ ହାଗା ମିଶିକ, ଆରୁଆଃ ପ୍ରାଭୁ ଯୀଶୁ ଖ୍ରୀଷ୍ଟୁଆଃ ସାୟାଦ୍
ଆପେ ସବେନ୍‌କଲଃ ଆମ୍ବାରେ ତାଇନ୍‌କା । ଆମେନ୍ ।

ପାରମେଶ୍ଵରୀୟାଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵରୀୟାଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵରୀୟାଃ ଜୀନିଦ୍ ବାଚାନ୍
ନାଞ୍ଜା ନିୟାମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6